

六
典
通
考

六典通考卷一百八十八

湖西閣鎮珩輯

都邑考

歷代都城

王者受命創始建國立都必居中土所以總天地之和
據陰陽之正均統四方旁制萬國者也洪荒以前載紀
靡徵百家傳稱春皇所都有華胥之洲女媧之都是曰
媧城今河南西華縣柳城蓋其地也皇甫謐帝王世紀
云伏羲都陳神農亦都陳今陳州又營曲阜黃帝都涿鹿
今涿州或曰都有熊今新鄭縣少昊都窮桑在魯北春秋傳曰
命伯禽而封少昊
之顓頊都高陽周爲衛地春秋傳曰衛帝嚳都亳一曰
墟顓頊之墟或謂之帝丘

都高辛

今偃師

堯始封于唐

今名定州唐昌縣

後徙晉陽

今太原府晉陽

縣卽帝位都平陽

今晉州

舜都蒲坂

今蒲州河東縣

禹受封爲夏

伯在今河南陽翟縣及受禪都平陽或在安邑或在晉

陽世本又言禹居陽城其地實河南陳畱蓋避商均時

所居非都也其後后相爲羿所逐失國居帝邱則周之

衛地漢之濮陽是也少康中興復返舊都桀都安邑又

居邲城括地志云故邲城在洛州鞏縣西南蓋桀所居

吳起對魏武侯言桀之居左河濟右太華伊闕在其北

羊腸在其南用此推之則知唐虞夏之都相去不遠大

率在河東界尙書所謂有此冀方者也契始封商在禹

貢太華之陽昭明居砥石相土居商邱湯始居亳從先

王居亳有三穀熟爲南亳蒙城爲北亳偃師爲西亳或
曰湯都穀熟又嘗都偃師云仲丁自亳徙都敖卽河南
之敖倉河亶甲居相祀乚圮于耿徙居邢再徙于奄今
兗州曲阜縣古奄國地也盤庚自奄五遷復歸于亳武
丁徙都河北是爲朝歌詩述邶鄘衛三國之風卽其地
也周之興太王居岐王季宅程文武都豐鎬至成王營
卜洛邑栖九鼎平王東遷乃居洛邑降逮王赧爲秦所
滅考三代建國各數百十歲秦都咸陽二世而亡豈地
形不險德不足耳故曰形勢雖強要以仁義爲本夫天
地溫肅之氣始於東南終於西北而綜九州之大勢冀
與幽并寶居其首杜牧謂王不得不王霸不得不霸地

氣之雄信有助焉自漢以來都之最久者莫如關中北
平其次洛陽又其次大梁金陵而鄴中臨安則偏安割
據之所栖託非可與于居中馭外之規也作都邑考歷
代遺變遷國謀臣建議多有可採擇者別次爲一卷

惟王建國辨方正位體國經野

匠人建國

立王國若邦國者水地

以縣

於四角立植而縣以水望其高下高下既定乃爲位而平地

置槷以縣

縣以景於所

地中央樹八尺之臬以縣正之

爲規識日出之景與日入之

景

自日出而晝其景端以至日入既則爲規測景兩端之內規之規之交乃審也度兩交之間中出之以指臬則南北

正

晝參諸日中之景夜考之極星以正朝夕

日中之景最短者也極星謂北

辰

大司徒以土圭之法測土深正日景以求地中日南則

景短多暑日北則景長多寒日東則景夕多風日西則景朝

多陰

詳司天考

日至之景尺有五寸謂之地中天地之所合也四

時之所交也風雨之所會也陰陽之所和也然則百物阜安

乃建王國焉制其畿方千里而封樹之

畿方千里取象於日一寸為正樹樹木溝

上所以表助阻固也以夏至之日立八寸之表其景適與土圭等謂之地中今潁川陽城地為然

匠人營

國方九里旁三門

營謂丈尺其大小子十二門通十二子

國中九經九緯經涂

九軌左祖右社面朝後市

王宮所居也祖宗廟

市朝一夫

方各百步

廟門容

大廟七个

大廟牛鼎之局長三尺每局為一个七个二丈一尺

闔門容小局參个

廟中之門

曰闔小局闔鼎之局長二尺參个六尺

路門不容乘車之五个

路門者大寢之門乘車廣六尺

六寸五个三丈三尺此門半之丈六尺五寸

應門二徹參个

正門謂之應門二徹之內八尺三个二丈

四尺內有九室九嬪居之外有九室九卿朝焉

內路寢之內也外路門之表也

九室如今朝堂諸曹治事處九嬪掌婦學之法以教九御六卿三孤為九卿

九分其國以為九分

九卿治之

九分其國分國之職也三公論道六卿治六官之屬

王公門阿之制五

雉宮隅之制七雉城隅之制九雉經涂九軌環涂七軌野涂

五軌門阿之制以爲都城之制宮隅之制以爲諸侯之城制

環涂以爲諸侯經涂野涂以爲都經涂量人掌建國之法

以分國爲九州營國城郭營后宮量市朝道巷門渠造都邑

亦如之

分國定天下之國分也后君也

公羊傳京師天子之居也師者眾

也京者大也天子之居必以眾大之辭言之穀梁傳冀者

天子之中州自唐虞及夏殷皆都焉是天子之常居

帝王世紀天子畿方千里曰甸服甸服之內曰京師天

子所居曰都風俗通上之絕高大者曰京謂非人力所

能成京師義亦取此蔡邕獨斷京水也地下之眾者莫

過于水地上之眾者莫過于人京大師眾也故曰京師
也按詩大雅乃覲于京京師之野董氏曰所謂京師者
蓋起于此後世因以所都爲京師曰嬪于京依其在京
岐周之京也王配于京鎬京也春秋所書京師洛邑也
洛邑亦謂之洛師正京師之意又按綱目凡例凡建都
曰都自他所來徙曰徙都屢徙而後定曰定都都猶總
也天子所居以天下總會之所故曰都

周本紀武王曰自洛汭延于伊汭居易毋固其有夏之居

河南初居陽城後居陽翟我南望三塗北望嶽鄩顧詹有河

太行山鄩謂近嶽之邑粵詹洛邑毋遠天室營周居于洛邑而後去

召詰惟二月既望越六日乙未王朝步自周則至于豐

周鎬京也

去豐二十五里文王廟在焉惟太保先周公相宅越若來三月惟丙午肫

越三日戊申太保朝至于洛卜宅厥既得卜則經營越三日

庚戌太保乃以庶殷攻位于洛汭越五日甲寅位成若翼日

乙卯周公朝至于洛則達觀于新邑營越三日丁巳用牲于

郊牛二越翼日戊午乃社于新邑牛一羊一豕一越七日甲

子周公乃朝用書命庶殷侯甸男邦伯厥既命殷庶庶殷丕

作逸周書作雒解周公將致政乃作大邑成周于土中王城

也于天下土為中城方千七百二十丈郭方七十里南繫于洛水北

因于邠山以為天下之大漭制邠甸方六百里國西土為方

千里分以百縣縣有四郡郡有四鄙大縣城方王城三之一

小縣立城方王城九之一都鄙不過百室以便野事農居鄙

得以庶士士居國家得以諸公大夫凡工賈胥市臣僕州里

俾無交爲乃設邱兆于南郊諸侯受命於周乃建大社於周

中乃位五宮大廟宗宮考宮路寢明堂咸有四阿反坫重亢

重鄧常累復格升藻祝設移旅楹燹常畫廟四下曰阿反坫外向室也重亢累

棟也重鄧累屋也常累繫也復格累芝栢也升藻內階元階

祝重梁柱也承屋曰移旅列也燹謂藻升之飾也內階元階

堤猶山廡以黑石爲階唐中庭道堤謂應門庫臺元闔門者

臺又以黑石爲門限洛誥周公拜手稽首曰朕復子明辟王如弗敢

及天基命定命予乃胤保大相東土其基作民明辟予惟乙

卯朝至於洛師我卜河朔黎水我乃卜澗水東瀍水西惟洛

食我又卜瀍水東亦惟洛食俘來以圖及獻卜河朔黎水河北黎水交流

之內也澗水東瀍水西王城也朝會之地瀍水東下都也處商民之地王城在澗瀍之間下都在瀍水之外其地皆近洛

水故云惟洛食也食者史先定墨而灼龜之兆正食王拜其墨也倅使也圖洛之地圖也獻卜獻其卜之兆辭也王拜手稽首曰公不敢不敬天之休來相宅其作周匹休公既定宅倅來來視予卜休恆吉我二人共貞公其以予萬億年敬天之休拜手稽首誨言 召誥王來紹上帝自服于土中且曰其作大邑其自時配皇天毖祀于上下其自時中乂王厥有成命治民今休 史記平王立東遷于雒邑辟戎寇地理志初雒邑與宗周通封畿東西長南北短短長相覆爲千里至襄王以河內賜晉文公又爲諸侯所侵故其分地小郡國志河南周公所城雒邑也春秋時謂之王城東城門名鼎門北城門名乾祭王城方七百二十丈郭方七十里南望洛水北至

山陝

括地志故王城一名河南城本郊鄆周公新築在河南縣北九里苑內東北隅自平王以下十二王皆居此城

至敬王乃遷都成周赧王又居王城洛陽故城在洛陽
縣東北二十六里周公所築卽成周城也世紀曰城東
西六里十一步南北五里一百步東萊呂氏謂洛都雖
有二城而成周則其總名杜預孔穎達皆以下都爲成
周謂敬王繼子朝亂自王城徙都之其說不然大可以
包小小不可以包大苟成周爲下都之名則凡書之言
洛皆謂之成周是以下都之名而包王城也敬王自王
城遷成周左氏無明文第言子朝旣逐王入于成周而
已敬王請城成周之辭亦謂成王合諸侯城成周以爲
東都則成周固洛邑之總名矣然東都非天子時會諸
侯則虛之下都則保釐大臣所居治事之地周人朝夕

受事故亦指爲成周云

左傳王使富辛與石張如晉請城成周天子曰昔成王合諸

侯城成周以爲東都崇文德焉作成周遷殷民以爲京師之東都今我欲微

福假靈于成王修成周之城俾成人無勤諸侯用寧蚤賊遠

屏晉之力也蚤賊喻災害范獻子謂魏獻子曰與其成周不如城

之魏獻子曰善使伯音對伯音韓不信曰天子有命敢不奉承以

奔告于諸侯遲速衰序衰差也序次也於是焉在冬十一月晉魏舒

韓不信如京師合諸侯之大夫于狄泉尋盟令城成周己丑

士彌牟營成周計丈數計所當城之丈數也揣高卑度厚薄仞溝洫度

日物土方議遠邇物相也相取土之方面量事期計徒庸慮材用書饌

糧以令役於諸侯屬役賦丈付所當城尺丈書以授帥帥諸侯而效

周

諸劉子韓簡子臨之以爲成命定公元年春王正月庚寅裁裁設城三旬而畢乃歸諸侯之成周公營王城併營下都處殷頑民在灋水之東與王城相去十八里亦謂成周昭二十六年子朝奔楚其餘黨多在王城敬王畏之徙都成周成周狹小乃請諸侯城之自是迄春秋之末凡書京師者皆指成周史記王赧時東西周分治王赧徙都西

平王東遷以後所謂西周者豐鎬也東周者東都也威烈王以後所謂西周者河南也東周者洛陽也周紀考王封其弟于河南是爲桓公以續周公之官職惠公封其少子於鞏以奉王號東周惠公注於是有東西二周世本西周桓公揭居河南惠公班居洛陽赧王時東西周分治西周河南也東周鞏也趙世家成侯八年與韓

分周以爲兩徐廣曰顯王二年周紀無此呂氏曰東西周各爲列國不復相關自是而後稱東西周君者皆謂二周君也本紀云赧王時東西周分治非也赧王特徙都西周耳當以趙世家爲正

地理通釋周都世紀周后稷始封邰今扶風鰲是也及公劉徙邑於豳詩稱于豳斯館今新平漆之東有豳亭是也至太王避狄循漆水踰梁山徙邑於岐山之陽西北岐城舊址是也詩稱率西水滸至于岐下南有周原故始改號曰周王季徙程書序曰維周王季宅程是也文王受命徙都於鄠在今京兆府之西詩旣伐于崇作邑于豐括地志周豐宮文王宮也在雍州京兆府鄠縣東三十五里鄭康成云豐邑在豐水之西鄠京在豐水之東武王徙都鎬鄠縣志周武王宮卽鎬京也在

長安縣西北十八里自漢武帝穿
昆明池於此鑄京遺址倫陷焉及伐紂營洛邑而定鼎焉

今洛陽西南洛水之北有鼎中觀是也周公相成王以鄠鎬

偏處西方乃使召公卜居洛水之陽以卽土中遂築新邑營

定九鼎以爲王之東都洛邑書我乃卜澗水東瀍水西惟洛

食是爲王城名曰東周地理志王城本鄭縣之地或謂之鄭

也今東門名鼎門蓋九鼎成王既卜營洛邑建明堂朝諸侯

所從入也鄭山名鄭邑名復還鄠鎬故書序曰還歸在豐至懿王徙犬邱今京兆槐里

是也厲王出于彘晉州霍邑縣漢彘縣平王徙居洛及敬

王避子朝之亂東居成周春秋曰天王入於成周後六年王

都成周晉率諸侯修繕其城以成周城小不受至赧王又徙

王都故壞翟泉以廣焉翟泉地在成周東北

居西周白虎通夏曰夏邑殷曰商邑周曰京師

吳澄曰東西周有二一以前後建都之殊而名一以二公封邑之殊而名昔武王西都鎬京而東定鼎於郊鄆周公相成王宅洛邑營澗水東瀍水西以朝諸侯謂之王城又謂之東都實郊鄆於今爲河南又營瀍水東以處殷頑民謂之成周又謂之下都於今爲洛陽自武至幽皆都鎬京平王畏狄之逼去鎬而遷於東都平以下都王城曰東周幽以上都鎬京曰西周此以前後建都之殊而名也自平王東遷傳世十二而景王之庶長子朝與王猛爭國猛東居於皇晉師納之入於王城旣而子朝又入王辟之東居於翟泉子朝據王城曰西王敬王在翟泉曰東王越四年子朝奔楚敬王雖得返國然以子朝餘黨多在王城乃徙

都成周而王城之都廢至考王封其弟於王城爲周桓公
自武東有王西有公而東西周之名未立也桓公生威公
威公生惠公惠公之少子班別封于鞏爲東周惠公之父
子同諡以鞏與成周皆在王城之東故班之兄仍襲父爵
居於王城是爲西周武公以王城在成周之西故自後西
有公東亦有公二公各有所食而周尙爲一也顯王二年
趙鞅分周地爲二二周公治之王寄焉而已周之分東西
自此始此以封邑之殊而名也周東西之分由武惠二公
各居一而名王則或東或西東西之名繫乎公不繫乎王
也鮑氏云赧徙都西周西周鎬京也嗚呼鎬京去王城成
周八百餘里自平王東遷不能有而以命秦仲曰能逐敵

人卽有其地鎬之爲秦已四百年于茲其地在長安上林昆明之北虎狼所穴而王得往都於彼哉

秦孝公始都咸陽築冀闕宮庭及後并天下改立郡縣而京師所統特號內史言其在內以別於諸郡守也始皇二十六年徙天下豪富於咸陽十二萬戶諸廟及章臺上林皆在渭南秦每破諸侯寫放其宮室作之咸陽北阪上南臨渭自雍門在高陵縣以東至涇渭殿屋複道周閣相屬二十七年作信宮

渭南已更命信宮爲極廟象天極

爲宮廟象天極故曰極廟

自極廟道通

鄠山作甘泉前殿築甬道

謂于馳道外築牆天子行外人不見

自咸陽屬之

三十五年營作朝宮渭南上林苑中先作前殿阿房

秦阿房宮亦曰

阿城在雍州長安縣西北十四里按宮在上林苑中雍州郭城西南面卽阿房宮城東面也阿近也以其去咸陽近且號

阿東西五百步南北五十丈上可以坐萬人下可以建五丈
旗居馳爲閣道自殿下直抵南山表南山之巔以爲闕爲復
道自阿房渡渭屬之咸陽以象天極閣道絕漢抵營室也阿
房宮未成欲更擇令名名之隱宮徒刑者七十餘萬人乃
分作阿房宮或作麗山發北山石棹乃寫蜀荆地材皆至關
中計宮三百關外四百餘二世卽位復作阿房宮後聞陳涉
等起乃止

春秋文耀鉤曰華岐以北龍門積石南至三危之野雍
州屬魁河圖曰秦地方千里漢書曰秦得百二言秦地險固以

二萬人當諸侯百萬人

天文志曰東井與鬼爲雍州分野太康地

記曰雍州兼得梁州之地西北之位陽所不及陰氣雍

闕故取名焉

沛公初入關或說曰秦富十倍天下地形彊今聞章邯降項羽羽號曰雍王王關中

卽來沛公恐不得有此可急使守函谷關毋內諸侯軍

漢高帝五年西都洛陽齊戍卒婁敬求見說上曰陛下都雒陽豈欲與周室比隆哉上曰然婁敬曰陛下王天下與周異周之先自后稷封邠積德綦善十餘世至于太王王季文王武王而諸侯自歸之遂滅殷爲天子及成王卽位周公相焉乃營雒邑以爲此天下之中而諸侯四方納貢職道里均矣有德則易以王無德則易以亡故周之盛時天下和洽諸侯四夷莫不賓服効力貢職及其衰也天下莫朝周不能制非其德薄也形勢弱也今陛下起豐沛卷蜀漢定三秦與項羽戰滎陽成皋之間大戰七十小戰四十使天下之民肝腦塗

地父子暴骨中野不可勝數哭泣之聲未絕傷夷者未起而欲比隆於成康之時臣竊以爲不侔也且夫秦地被山帶河四塞以爲固卒然有急百萬之衆可具因秦之故資甚美膏腴之地此所謂天府者也陛下入關而都之山東雖亂秦之故地可全而有也夫與人鬪不搯其亢拊其背未能全其勝也今陛下案秦之故地此亦搯天下之亢而拊其背也帝問羣臣羣臣皆山東人爭言周王數百年秦二世卽亡洛陽東有成皋西有殽黽背河鄉雒其固亦足恃也上問張良良言入關便于是高帝卽日車駕西都關中時長安未有宮室因營秦長樂宮居之

一名興樂宮秦始皇造漢修飾周回二十里前殿東西二十九丈兩棟中二十五丈

深十丈漢七年蕭何治未央宮立東闕北闕前殿武庫太倉惠

帝城長安發六百里內男女十四萬六千人五年復發長安
六百里內男女十四萬五千人城之三輔黃圖惠帝更築長
安城周迴六十五里城
南爲南斗形北爲北斗形都城十二門東出第一門曰宣平
至今人呼漢舊京爲斗城都城南出第一門曰安門又曰便門西
門南出東頭第一門曰安門第二門曰西安門又曰便門西
出南頭第一門曰章城門第二門曰直城門西出北頭第一
門曰雍門東頭第一門曰高門西頭第一門曰橫門孝文時
無上林中諸離宮館未央宮又無高門武臺麒麟鳳凰白虎
玉堂金華之殿獨有前殿曲臺漸臺宣室溫室承明武帝廣
開上林南至宜春鼎胡御宿昆吾旁南山而西至長楊五柞
北繞黃山瀕渭而東周袤數百里穿昆明池象滇河營建章
鳳闕神明馭娑漸臺泰液免海水周流方丈瀛洲蓬萊游觀

侈靡窮妙極麗

郊記志太初元年作建章宮度爲千門萬戶殿前度高未央其東則鳳闕高二十餘丈其

西則商中數十里虎園其北治大池漸臺高二十餘丈名曰

太液池中有蓬萊方丈瀛洲壺梁海中神山龜魚之屬其南

有玉堂大鳥之屬立神明臺井是時東方朔諫上曰南山天

幹樓高五十丈輦道相屬焉

下之阻也南有江淮北有河渭其地從汧隴以東商雒以西

厥壤肥饒漢興去三河之地止灞滻以西都涇渭之南此所

謂天下陸海之地秦之所以虜西戎兼山東者也今上林雖

小臣尙以爲大且務苑囿之美不恤農時非所以強國富人

也夫殷作九市之宮而諸侯畔靈王起章華之臺而楚民散

秦興阿房之殿而天下亂臣順陳秦階六符以觀天變帝悅

拜朔爲太中大夫諸宮苑名沛宮

十二年高祖置酒沛宮

北宮

在未央北建

章宮甘泉宮林光宮

甘泉一離宮惠帝常出

明光宮

太初四年秋起

名林光離宮遊離宮

明光殿長楊宮在城西五柞宮武帝行幸黃楊宮秦文王所起

池陽宮甘露三年章臺宮宣曲宮在昆明池西棠梨宮宜春宮鼎

胡宮在藍田蘭池宮在渭城儲元宮在上林苑雲陽宮昭臺宮長壽宮

長門宮鉤弋宮長信宮永信宮定陶恭皇太后中安宮恭皇后

東宮太后所居中宮皇后所居長定宮桂宮太子所居三雍宮三雍宮

械陽宮竹宮自竹宮步壽宮宣帝所起平陽宮德陽宮景帝廟號

言交門宮萬載宮黃山宮首山宮元封六年思子宮犬臺宮江

召見犬回中宮在安蒲陶宮單于來朝舍龍淵宮元光三年

在長安西作宣防宮塞子壽宮武帝置萬歲宮承明殿

在未央宮中鴻嘉二年長樂臨華殿紫殿永始四年郊泰

有雉蜚集于承明殿武臺李陵召見白虎殿杜欽對策顯

泉前殿鳳凰殿宣帝武臺武臺殿白虎殿白虎殿

揚殿椒房殿在未央宮温室殿公卿朝臣會議温室高門殿麒麟殿玉

堂殿金華殿曲臺殿承明殿駮娑殿丙殿飛羽殿便殿武帝

便殿雨德殿宣帝金芝九莖鴻寧殿傅太后殿前古者宮室

災宣室東方朔曰宣室温室凌室惠帝四年未織室惠帝四

災作室成紀太子非常室成帝時男子王褒衣長樂鍾室暴

室暴畫室止畫室請室飾室玉堂建章宮南瑤堂眺瑤承

明之廬在石殿廬殿中所長安飛廉館元封上林礪氏館長

楊射熊館楊射熊館長安飛廉桂館甘泉益壽延壽館上

林平樂館雲林館陽祿柘館二館名也蘭館東館上林涿沐館在

平甲館畫堂白鶴館孝武園宮館東闕北闕鳳闕高二十建

章闕長樂宮東闕五鳳三年鸞鳳集叢臺六國時趙柏梁臺

六典通考 卷百八十八 圭

元鼎二年所起
甘泉通天臺元封二年作
屬玉觀屬玉水鳥
漸臺

以香柏爲之
神明臺昆明東觀武臺石關封巒鵠露塞四觀在甘泉宮

龍臺觀細柳觀顓天臺歸來望思臺平樂觀河南成皋靈臺

上蘭觀甲觀畫堂成帝紀生
陽雲臺蘭臺圖籍
郎臺郎臺下

宣室閣甘露四年未央
石渠閣在未央宮北
天祿閣麒麟閣

井幹樓高五十丈師古曰積木而高爲樓若
龍樓門門樓上

若白鶴蜚廉
上林苑武帝
中牟苑在蔡
樂遊苑在杜陵西北
水衡

禁囿博望苑武帝爲太子立博
黃山苑霍雲張園
昆明池

越雋昆明國有滇池方三百里漢欲伐之故
少府依飛外池

嚴籟池田太液池上林十池少府屬官有
牛首池在上林
安

池復道復音複上下
輦道天子
未央宮司馬門永始四年
東司

馬門北司馬門殿東門未央宮掖門

門在兩旁若人之臂掖

北掖門壁

門

建章宮南有壁門

高門端門

殿正門

龍樓門黃門作室門尙方掖門

掖門者正門之旁小門

金馬門長秋門

未央宮殿長秋門

東交門堯母門小苑

東門

蕭望之署小苑東門候

上林延壽門

後漢建武元年十月車駕入洛陽幸南京遂定都焉時杜篤以關中表裏山河先帝舊京不宜改營洛邑廼作書一篇名曰論都奏之曰夫大漢之盛世藉靡土之饒得御外理內之術雍州本帝皇所以育業霸王所以衍功西被隴蜀南通漢中北據谷口東阻嶽巖函關守嶢山東道窮斯固帝王之淵囿而守國之利器也利器不可久虛而國家亦不忘乎西都何必去洛邑之淳潛與篤奏上論都欲論車駕遷還長安者

老聞者皆動懷土之心眷然伫立望上西幸徐州刺史王景以宮廟已立恐人情疑惑會時有神雀諸瑞乃作金人論以頌洛邑之美天人之符云建初中京師修起宮室濬繕城隍而關中耆老猶望朝廷西顧班固乃上兩都賦稱洛邑制度之美以折西賓淫佚之論其辭曰有西都賓問於東都主人曰蓋聞皇漢之初經營也嘗有意乎都河洛矣輟而弗康實用西遷左據函谷二嶠之阻表以秦華終南之山右界褒斜隴首之險帶以洪河涇渭之川華實之毛則九州之上腴焉防禦之阻則天下之奧區焉主人喟然而歎曰子實秦人矜夸館室保界河山信識昭襄而知始皇矣惡睹夫大漢之云爲乎今將語子以建武之理永平之事且夫僻界西戎阻阻

四塞修其防禦孰與處乎土中平夷洞達萬方輻湊秦嶺九
嶠涇渭之川曷若四瀆五嶽帶河沂洛圖書之淵子習秦阿
房之造天而不知京洛之有制識函谷之可關而不知王者
之無外也雒陽十二城門門一亭平城門上西門雍門廣陽
門津門小苑門開陽門耗門中東門上東門穀門夏門初永
平中先起北宮鍾離意上疏諫之帝乃罷作諸宮今考諸紀
傳所列有南宮長樂宮邯鄲長信宮長秋宮皇后宮永樂宮靈帝
母所居濯龍宮永安宮承光宮中宮皇后宮東宮前殿東宮太子宮
桐宮章德前殿在九龍門內椒房后妃以椒塗壁取其繁衍多子嘉德殿在九龍門內
玉堂殿中平四年修崇德殿承福殿宣德殿安福殿宣平殿宣室
殿德陽殿宣明殿千秋殿溫明殿萬明殿卻非殿黃龍殿和

歡殿華光殿

劉寬侍講
華光殿

含德殿章臺殿天德殿溫飭殿迎春

殿壽安殿永寧殿樂成殿壽安殿靈臺殿北閣後殿章臺下

殿雲臺廣室平樂觀東觀

南宮有
東觀

蘭觀承祿觀清河王上林
慶所居

苑西苑廣成苑鴻德苑

延熹元年
值令

顯陽苑

延熹二年
造

平樂苑畢圭

靈昆苑

光熙三年
西園南園

在洛水南

芳林園濯龍園直里園鴻池

在

陽東二
十里

濯龍池永巷

後改
掖庭

宮掖門平城門蒼龍門

即蒼龍閣

元武

門北門南掖門東門朔平門南端門

關門也南
方正門

應門中崇賢

門東金商門

西

雲龍門

德陽殿
東門

神虎門

德陽殿
西門

九龍門

嘉德
殿在

內象魏闕朱雀闕永樂門嘉德門盛化門承明門盛饌門閣

青瑣門鴻都門建安初洛陽殘破董昭等說曹公以許昌便

於漕運遂都許

胡銓曰漢高五年都雒陽是時方有山東之亂而秦之故
地又未能全有危亦甚矣倘不先都四塞之地則天下非
漢有也王郎反河北獨鉅鹿信都爲世祖堅守天下之根
本在焉苟釋此不守則天下非漢有也故項羽得關中不
能守高祖則決都關中所謂扼其亢而拊其背也王郎得
鉅鹿信都不能守世祖獨固意河北亦所以扼其亢而拊
其背也此兩漢存亡之機婁敬邳彤可謂社稷臣矣

魏文帝建長安譙許昌鄴洛陽爲五都立石表西界宜陽北
循太行東北界陽平南循魯陽東界鄴爲中都之地令天下
聽內徙明帝大治洛陽宮起昭陽太極殿築總章觀高十餘
丈建翔鳳於其上又於芳林園中起陂池楫櫓越歌又於列

殿之北立八坊諸才人以次序處其中通引穀水過九龍殿前爲玉井綺欄蟾蜍含受神龍吐出使博士馬均作司南車放漢西京之制築圓闔諸門闕外累恩

河朔訪古記銅爵金鳳冰井三臺皆在鄴都北城西北隅因城爲基址建安十五年銅爵臺成曹操將諸子登樓使各爲賦陳思王植援筆立就金鳳臺初名金虎至石氏改今名冰井臺則凌室也金虎冰井皆建安十八年建也銅爵臺高一十丈有屋一百二十間周圍彌覆其上金虎臺有屋百三十間冰井臺有冰室三與涼殿皆以閣道相通三臺崇舉其高若山云至後趙石虎三臺更加崇飾甚于魏初于銅爵臺上起五層樓閣去地三百七十尺周圍殿

屋一百二十房房中有女監女伎三臺相面各有正殿上
安御牀施蜀錦流蘇斗帳四角置金龍頭銜五色流蘇又
安金鈕屈戌屏風牀牀上置女妓三十人牀下立三十人
凡此眾妓皆宴日所設又于銅爵臺穿二井作鐵梁地道
以通井號曰命子窟于井中多置財寶飲食以悅蕃客曰
聖井又作銅爵樓巔高乙丈五尺舒翼若飛南則金鳳臺
有屋一百九間置金鳳于臺巔故名北則冰井臺有屋一
百四十間上有冰室室有數井井深十五丈藏冰及石墨
石墨可書又熱之難盡又謂之石炭又有窖粟及鹽以備
不虞今窖上石銘尙存焉三臺皆甃甃相去各六十步上
作閣道如浮橋連以金屈戌畫以雲氣龍虎之勢施則三

臺相通廢則中央懸絕也

魏都賦云三臺列峙而崢嶸

王鳴盛曰長

安人不爲都譙是太祖故鄉聊目爲都皆非都也眞爲都

者許鄴洛三處耳自建安元年操始自洛陽迎天子遷都

許三國志武帝紀每征伐事畢輒書公還許至九年滅袁

氏又遷都于鄴

封獻帝爲山陽公都濁鹿城皆懷州修武縣地則都鄴明矣

自後屢書

公還鄴或書至鄴

後漢書獻紀無此

至二十四年則書還洛陽二

十五年書至洛陽又書王崩于洛陽及丕受禪卽眞位皆

在洛蓋操之末年又自鄴遷洛矣

宋書五行志魏文帝卽位自鄴遷洛終黃初不

復遷作史貴據事直書詳明整瞻凡帝王遷都及臨幸之

地雖非都而駐蹕所在皆當謹志之嘗恨新唐書本紀於

武后中宗之在長安在洛陽全不分明陳壽意主簡嚴較

新唐書則遠勝之

蜀先主都成都初諸葛亮說先主曰荊州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之土高祖因之以成帝業劉璋闇弱張魯在北民殷國富而不知存恤智能之士思得明君將軍既帝室之胄總攬英雄思賢如渴若跨有荆益保其巖阻和諸戎南撫夷越外結好孫權內修政理天下有變則命一上將將荊州之軍以向宛洛將軍身率益州之眾以出秦川百姓孰敢不箪食壺漿以迎將軍者乎後卒如其言 吳孫權自公安都鄂改名武昌以武昌下雒陽陽新柴桑沙羨六縣爲武昌郡吳臣張紘言于

孫權曰昔望氣者云金陵地形有王者都邑之氣故掘斷連岡改名秣陵今處所俱存地有其氣天之所命宜爲都邑黃龍元年九月權遂遷都建業因故府不改館徵上大將軍陸遜輔太子登掌武昌留事初興平中吳中童謠曰黃金車班蘭耳闔昌門出天子

昌門吳西郭門夫差所作吳錄劉備曾使諸葛亮至京因觀秣陵山阜歎曰

鍾山龍蟠石頭虎踞帝王之都也

晉仍魏都以三輔還屬雍州分河南立滎陽分雍州之京兆立上洛廢東都立頓丘遂定名司州以司隸校尉統之河南置尹洛陽置尉五部三市東西七里南北九里東有建春東陽清明三門南有開陽平昌宣陽建陽四門西有廣陽西明闔闔三門北有大慶廣莫二門司隸校尉河南尹及百官列

本秣陵縣漢獻帝建安十六年置縣孫權
改秣陵爲建業晉武帝平吳還爲秣陵太

明帝遭蘇峻之亂宮室宗廟

皆爲灰燼溫嶠欲遷豫章三吳之豪欲遷會稽王導不可曰

金陵王者之都也王者不以豐儉移都若宏衛文大帛之冠

何適而不可不然雖樂土爲墟矣且北寇方強一旦示弱竄

于蠻夷望實皆喪矣乃不果遷

有劉小城光武二年
淵城石勒攻平

陽小光極殿淵葬於建始殿溫明殿徽光殿

明徽光二
殿未成斬
昭德殿
陳元達諫
德溫明足
容後宮
東宮延明
殿
建元元
年雨血

於左司隸寺又雨
血東宮延明殿
南宮劉銳等奔入南宮
螽斯則百堂居應所
逍遙

園李中堂

嘉平三年改道遙園為納賢園李中堂為愧賢園

東堂

劉和與羣臣盟於此鴉儀

樓

聽為皇后

崇

明

觀

平陽地

震

崇

上

秋

閣

聽出臨

武

庫

武

武

武

武

武

武

武

武

庫

入地

上

林

聽校獵上

林

雲

龍

門

許選等

說

太

弟

又

西

西

西

西

西

西

西

西

明門

聽自西

明

門

攻西

陽

門

建

春

門

速殺我

以

吾

左

目

置

西

西

西

西

西

西

西

西

西

西陽門

右目

太

廟

聽以大

廟

新

堯

廟

在汾

西

西

西

西

西

西

西

西

西

西

西

西

西

西

西

平

劉

曜

都

長

安

後趙

石

勒

都

襄

國

有

大

城

秦隴

於

此

僭

號

永

豐

小

城

勒送

號

永

豐

小

城

於永

豐

小

城

建

德

殿

勒擬

洛

陽

太

極

起

建

德

殿

井

號

永

豐

木

斜

縮

斬

於

殿

中又

從

洛

陽

暑

影

銘

佐

殿

徽

文

殿

五年

勒

境

號

永

豐

小

命

功

臣

三

十

九

人

於

幽

置

於

建

德

前

殿

徽

文

殿

大疫

罷

微

號

永

豐

小

作

殿

崇

訓

宮

虎太

澧

水

宮

勒疾

甚

還

單

于

庭

勒徒

洛

陽

暑

號

永

豐

小

城

號

庭

正

陽

門

參軍

屈

識

坐

永

豐

門

勒徙

洛

陽

銅

馬

翁

永

昌

門

號

永

豐

小

城

勒

微

行

出

東

堂

建平

三

年

雨

雹

西

閣

建平

四

年

勒

明

堂

號

永

昌

門

號

永

雍靈臺

勒起於襄國城西

宣文宣教崇儒崇訓諸學

勒增置十餘小學於四門

觀雀臺

觀雀臺崩殷典匠少府任汪

挈壺署置永豐倉

勒得鼎中有大錢藏之永豐倉

桑梓苑

趙王入年立

崇仁里

趙王元年勒于崇仁里置公族大夫

石虎焚襄國宮

室遷其民於鄴石虎故城

其城東西七里南北五里飾表以磚百步一樓

有鄴宮

石虎建元元

東西宮

建武三年就臨漳宮在桑梓苑多

九華

宮永安宮

虎畫殿永安宮

明光宮

去鄴二里十三里

赤橋宮

鄴城東

太子干

大武殿

基二丈八尺下穿伏室置衛士於中東西七十五步南北六十五步皆漆瓦金瑤銀

檀金柱珠簾玉壁窮極伎巧

顯陽殿

虎又起靈風臺九

暉華殿琨華殿

石閤殿石

金華殿

太宣元

宣光殿

秦公輔起宣光殿於文

昌故殿

虎於鄴西文昌故殿處造東西太武二殿

鳳陽門閶闔門

虎斬成公段於閶闔門

東掖門

石閤等反在東掖門

建春門中陽門

二銅駝在中陽門外夾道相向顯陽門

妖馬出金明門再閱毀金西中華門新李松於聖壽堂虎

顯陽門明門而入西中華門西中華門聖壽堂欲

立太子與羣凌霄觀太子宣出時石虎從其御龍觀再閱

臣議於東堂後宮升凌霄觀望之御龍觀再閱

鑒於宣武觀虎臨宣武如意觀冉閱執石道于東明觀秦

此於中臺虎觀大閱如意觀南臺如意觀東明觀公

於中臺虎觀大閱如意觀南臺如意觀東明觀公

武其西臺虎觀大閱如意觀南臺如意觀東明觀公

仲屯大社建武八年齊斗樓逍遙樓披雲樓玳瑁樓九

南郊建武八年齊斗樓逍遙樓披雲樓玳瑁樓九

宮北建逍遙樓披雲桑梓苑在鄴城華林苑虎築華林

樓城門上建玳瑁樓披雲桑梓苑在鄴城華林苑虎築華林

於鄴北廣芳林園虎重修千金堤虎築元武池紫陌建武十

長數十里芳林苑千金堤虎築元武池紫陌建武十

紫陌浮橋鄴中記鄴宮南面三門西鳳陽門高二十五丈

于水上鄴中記鄴宮南面三門西鳳陽門高二十五丈

上六層反宇向陽下開二門又安大銅鳳於其巔舉頭一

丈六尺門牕戶朱柱白壁到鄴城七里遙望此門鳳陽門

丈六尺門牕戶朱柱白壁到鄴城七里遙望此門鳳陽門

丈六尺門牕戶朱柱白壁到鄴城七里遙望此門鳳陽門

丈六尺門牕戶朱柱白壁到鄴城七里遙望此門鳳陽門

丈六尺門牕戶朱柱白壁到鄴城七里遙望此門鳳陽門

丈六尺門牕戶朱柱白壁到鄴城七里遙望此門鳳陽門

五層樓去地三十丈安金鳳凰二頭石虎將衰一頭飛入
漳河一頭以鐵釘釘足今存石虎於魏武故臺立太武殿
牕戶宛轉畫作雲氣擬秦之阿房魯之靈光流蘇染鳥翎
爲之以五色編蒲心薦席石虎太武殿西有崑華殿閣上
輒開大牕皆施以絳紗幌石虎金華殿後有虎皇后浴室
三門徘徊反宇檻櫺隱起彤采刻鏤彫文粲麗四月八日
九龍銜水浴太子之像又太武殿前溝水注浴時溝中先
安銅龍疏其次用葛次紗相去六七步斷水又安玉盤受
十斛又安銅龜飲穢水出後卻入諸公主第溝亦出建春
門東又顯陽殿後皇后浴池上作石室引外溝水注之室
中臨池上有石牀石虎以胡粉和椒塗壁曰椒房鄴城西

三里桑梓苑有宮臨漳水凡此諸宮皆有夫人侍婢又並有苑囿養獐鹿雉兔虎數遊宴于其中自襄國至鄴二百

里中四十里輒一宮有一夫人侍婢數十黃門宿衛石虎

下輦卽止凡所起內外大小殿臺行宮四十四所 前燕

慕容皝改柳城爲龍城都之有和龍宮皝號新宮爲和龍宮承乾殿

皝餐羣僚于此景雲殿皝于和龍宮築交黎城皝祭沙城徙燕人

容令于東庠皝立東庠于舊龍翔寺黑白龍見立之前秦苻健

僭據關中都長安置雍州司隸校尉苻堅分司隸爲雍州

小城桓溫趣長安太極前殿太元七年堅明光殿長安志

也建章宮堅送呂東宮苻菁勒兵明堂南北郊甘露元太

廟堅自淮南歸次于此來賓館在平朔門永和聽訟館在未央宮

行宮告罪太廟

南堅五太學堅臨太學辟雍堅先師孔子宣明臺太后苟靈

臺在杜門起釣臺建武十四年逍遙園臣于此非園安

西北三十里有露堂密議于此徽音堂在惡犬門西堂

野引見鄒東苑堅與沙門東閣甘露三年上林建元十

善王于此東苑道安東閣風集于東閣上林七年上

林竹死平朔門惡犬門杜門前東掖門攻東掖門雲龍

門符法潛入端門符善反健力西門建元十八年大當陽

門雲龍門西廡堅所阿房城建元二十年慕惡犬城徵

堂在長安市堅未敗長大街堅時民歌曰長安後秦姚

城外長安市安市鬼哭大街大街兩邊種槐

莫都長安改名常安建初四年立社稷有徽音殿姚興于

起波若臺有逍遙園西太極殿興正日一朝正德殿宏始

去三百步有康子苑文昌殿長安既平中宮興立波若東宮姚和率東

羣臣文昌殿于文昌殿中宮臺於中宮東宮官兵屯馬

道西宮居西宮永安宮永安宮長薨於詔以兵屯東華議堂門侍疾議堂朝

堂興所東堂興引美龕等于西明閣鳩摩羅什南臺王向

止嚴述人禁波若臺文武苑興遊譙逍遙園諸沙門說經

澄元堂興聽鳩摩羅什端門端門青門出降劉裕朝門

興從朝門杜門後秦東華門平朔門黃龍門興還長安

門遊文武苑靈臺姚紹與丞相太學立律學興武庫中兵登武庫

下康子苑永貴里興起浮圖後蜀李雄都成都有大城

羅尚據大城雄小城徐儉以小城降前殿壽令李乾大譙

殿壽太學漢興三年端門大風震端東場壽營東場官桑

羅尚敗特十里陌嘉寧元年桓溫達成都前涼張軌都

于官桑姑臧臥龍城永興二年載大城姑臧南北七南宮張駿緒

姑臧臥龍城永興二年載大城姑臧南北七南宮張駿緒

永訓宮

重華母嚴氏居此

永壽宮

重華生母馬氏居此

謙光殿

駿於姑臧城南築城起謙

先正德殿

駿薨於正德前殿

平章殿

重華薨于此

辟雍明堂

駿立閑豫堂

駿蒸羣

賓遐觀

都善王獻女立

天龜觀

朱熙請取天龜觀壞以為宅不許

神雀觀

宋混至姑臧

飛鸞觀

祚興嚴展

靈鈞臺

茂所萬秋

閼

祚于萬秋閼為

講武場

元武圃

增築四城箱各千步東城植園果名曰講武場

北城植園果名曰元武圃皆有宮

閑豫池

在閑豫

靈泉池

堂前

元靖五年有大鳥巢于靈泉池城西

西昌門

天錫時西昌

門

平昌殿無

故而

東苑

天錫三年東

西苑

西苑杜

西涼李暠都敦煌

有靖恭堂

高子南門起

堂

謙德堂

嘉興元年敦

嘉納堂

高

後園

泮宮

高門學

敦煌舊塞

高修舊塞

東南二

以防北

子亭

高築城于敦

北涼沮渠蒙遜都張掖

張掖城每有

先色蒙遜曰

王氣將成百戰百勝之象也

後涼呂光都姑臧有龍翔殿

呂纂時龍出井中

臥殿前纂以謙光殿纂入自青角

新堂

纂羣臣于湛露堂

纂見紹于

現華堂

纂將呂超遊

宣德堂

超刺纂洞東宮纂

呂宏妻

紫閣

呂紹登

融明觀

左衛齊從

當陽門

郭磨傳符

震朱明青陽門

呂紹據北城自守傳檀置酒

廣夏門

纂夜

城攻廣

青角門

見洪範門

郭磨叛夜

龍興門

纂時有黑龍

龍興門

天淵池

呂光幸天淵池

靈泉池

先宴羣臣于此休

屠故城

姑臧城西有馬城

逍遙園

呂光東西苑

胡三省云

西苑

南涼禿髮

傳檀都姑臧有南城

傳檀始出姑臧焦

北城

屠各成七見

謙光殿

傳檀饗文

高昌殿

傳檀子明

為高昌

宣德堂

宏昌四年

清陽門

王尚出

朱明門

建和元年

利鹿孤襲姑蘇涼風門姚顗將孟欽戰于涼風門西苑姚弋仲後燕

慕容垂都中山有小城後燕因石趙故宮小城之承華觀

垂為太東堂寶間魏軍將至芳林園魏軍攻中山西燕

慕容寶徙都鄴有中城鳳陽門慕容農以鄴城廣大臨漳

鎮苻丕救至入臨華林園魏武所築南燕慕容德都廣

固有大城晉攻陷小城超還廣固徙東陽殿德引見羣臣

顯安宮德薨長樂宮超尊母居延賢堂徐州刺史潘聰青州

賢萬春門德為超起第萬春端門慕容達反遣天門超登

朝羣臣北燕馮跋都和龍有東堂跋每遣守宰皇堂庫

於城上東宮太子翼賜死馮哲端門太興六年洪光門

射設御女東宮等典葬事于東宮端門太興六年洪光門

跋境地震洪太學太平七年西秦乞伏乾歸都苑川有乾

六典通考卷百八十八

西

歸城

乾歸自張西秦四都之

西城

即乞伏所都

嶧岷山嶧岷城

太初二十一年熾磐

始招諸部築城燕邯山

夏赫連勃勃都統萬城

晉義熙三年夏王勃勃破薛干等部

諸將皆曰陛下欲經營關中先固根本使人心有所憑繫高平險固饒沃可以定都赫連龍昇七年

改築大城蒸土加功其南門曰朝宋北門曰平朔東門曰

招魏西門曰服涼其子城在羅城南本三門夷人多上東

故東向門永安殿

勅勅

太廟

鳳翔七年六月

冲天臺

真興二年

南山上欲登以望長安

通天樓

疑冲天臺

真珠樓

建在城南

西宮

魏將豆代田乘勝入西宮

宋齊梁陳並同居建康梁元帝及後梁蕭詧又別居江陵初

元帝下詔將還建康將軍胡僧祐諫曰建康王氣已盡古老

相傳云荊州洲數滿百當出天子今枝江生洲百數巴漢陞

下龍飛是其應也帝曰建康凋殘江陵全盛卒從僧祐議一

後魏起自代朔建國三年徙都雲中之盛樂四年築盛樂城于故城南八里道武既平中山因幸鄴巡登臺榭徧覽宮室將有定都之志乃置行臺而還天興元年七月遷都平城始營宮室建宗廟立社稷先是穆帝時城盛樂爲北都修故平城爲南都穆帝嘗登平城西山觀望地勢乃更南百里于渥水之陽黃瓜堆築新平城晉人謂之小平城至是移都故城詔有司正封畿制郊甸端徑術三年起中天殿及雲母堂金華室四年起紫極殿元武樓涼風觀石池鹿苑臺六年起西昭陽殿帝幸南平城背黃瓜堆規建新邑天賜三年築溫南宮門闕高十餘丈規立外城方二十里分置市里經途洞達孝文帝謀去代卜遷鄴都登銅雀臺御史大夫崔吉請都之

孝文曰鄴城非長久之地石虎傾于前慕容滅于後國富主奢暴成速敗且西有枉人山東有列人縣北有柏人城君子不飲盜泉惡其名也遂止都洛陽以河南爲司州詔主簿裴仲規曰朕開置神畿郡望優重卿旣首膺司隸美舉復督我名邦何能自致也仲規曰陛下窮神盡聖應天順民棄彼黑壤來宅紫縣臣方罄心力躍馬吳會豈一郡而已

王鳴盛曰南北朝建都之地南惟梁元帝暫居江陵其餘皆在建康今江南江寧府而北魏則屢遷都蓋魏黃帝之後自昌意受封北國有大鮮卑山因以爲號統幽都之北廣漠之野黃帝以土德王北俗以土爲托以后爲跋故以爲氏積六七十傳至推寅南遷大澤昏冥沮洳至諸汾更

南徙歷年乃出始居匈奴故地自諸汾以前其地固不可
詳詰汾所居曰匈奴故地則漢書可考其後國中乍亂乍
定遷徙無恆至道武帝天興元年始定都平城王應麟通
鑑地理通釋云平城卽雲州定襄縣陳景雲紀元要略云
平城今山西大同府後孝武入關都長安爲西魏則今陝
西西安府靜帝遷鄴爲東魏則今河南彰德府

魏陽固傳
固於宣武

時作南北二郡賦稱恆代田漁聲
衆侈靡之俗節以中京禮義之事

後齊神武旣平爾朱兆自京師將北以爲洛陽久經喪亂王
氣衰盡雖有山河之固土地褊狹不如鄴請遷都魏帝曰高
祖定鼎河洛爲永永之基經營制度至世宗乃畢王旣功在
社稷宜遵太和舊事神武奉詔至天平初復謀遷焉魏帝不

許神武送興晉陽之甲師渡河魏帝遜于長安遂奉立孝靜

帝北遷于鄴改相州爲司州置魏尹以魏郡林慮等郡爲皇

畿及文宣受禪因而易

鄴中兩城東西六里南北八里六十步高歡以北城窄隘故令僕射

高隆之更築此城掘得神龜大踰方丈其堵堞之狀咸以龜象馬紫陌宮在臨漳縣城西北五里石虎建于紫陌橋側及齊時因修爲濟口帝巡幸及往并州百官祖餞莫不至此而別文宣嘗西巡百官辭于紫陌

後周因西魏都長安宣帝大統元年幸洛陽詔曰河洛之地

舊稱朝市自魏氏失馭城闕爲墟我太祖受命鄴錫有懷光

宅高祖往巡東夏布政此宮朕以眇身祇承寶運雖庶幾聿

修之志敢忘燕翼之心一昨駐蹕金墉備嘗遊覽百王制度

基址尙存今若因循爲功易立宜命邦事修復舊都奢儉取

文質之間功役依子來之義北瞻河內咫尺非遙前詔經營

今宜停罷於是發山東諸州兵增一月功爲四十五日役起洛陽宮移相州六府于洛陽稱東京六府

隋文帝受禪罷東京之役開皇二年六月詔左僕射高穎營都於龍首山南直終南山子午谷北據渭水東臨澧川西次灃水太子左庶子宇文愷創制規模將作大匠劉龍工部尙書賀婁子幹太府少卿高龍又並充檢校至三年三月移入新都名曰大興城東西十八里一百一十五步南北十五里一百七十五步牆高一丈八尺皇城之南東西十坊南北九坊皇城之東西各十二坊兩市居四坊之地凡一百一十坊東面通化春明延興三門南面啟夏明德安化三門西面延平金光開遠三門北面光化一門里一百六大業元年詔尙

書令楊素納言楊達將作大匠宇文愷營建東京南直洛水之口北倚邙山之塞東出瀍水之東西出澗水之西洛水貫都有河漢之象焉東去故都十八里煬帝既好奢靡愷又多奇巧遂作重樓曲閣連闥洞房綺繡瑰奇窮巧極麗又於阜澗營顯仁宮採海內奇禽異獸草木之類以實園苑徙天下豪富大賈數萬家於東京

大業未喪亂爲王充所據武德五年平充乃詔焚乾陽殿及建國門

廢東都以爲洛州總督府

杜佑曰或問秦以關中滅六強國今萬方財力上奉京師外有犬戎憑陵城陷數百內有兵革未寧年將三紀豈制置異術而古今殊時者乎答曰商鞅佐秦以秦地曠人寡誘三晉人發秦地利優其田宅復及子孫而使秦人應敵

於外非農與戰不得入官大率百人則五十人爲農五十人習戰兵強國富職此之由其後仕途猥多浮華浸盛末業日滋大率百人方十人爲農無十人習戰其餘皆務他業以今推古損益可知又秦開鄭渠溉田四萬頃漢開白渠復溉田四千五百餘頃關中沃衍實在於斯聖唐永徽中兩渠所溉唯萬許頃洎大厯初又減至六千二百餘頃比於漢代減三萬八千頃每畝減石餘地利損耗人力散分欲求強富其可得乎昔漢文之時長安之北七百里外卽匈奴之地控弦數十萬騎侵掠無已時晁錯請備障塞北邊由是獲安今自潼關之西隴山之東鄜坊之南終南之北才十餘州地已數十萬家吐蕃之強陷覆河隴竊

料全國尙未敵焉徒以令峻而眾心齊一馬多而競逐莫及誠能復兩渠之饒究浮食之弊恤農夫誘其歸趣撫戰士勵其勳伐行晁錯之策擇險隘之地繕完城壘用我所長漸開屯田更蓄財力將冀收復河隴豈唯自守而已哉或又曰關中寓內西偏天下勞於轉輸洛陽宮室正在土中周漢以還多爲帝宅何必重難遷移密邇勅寇擇才畱鎮以息人勤自然無虞答曰古今旣異形勢亦殊周之興雖定鼎郊鄩而王在鎬京幽王之亂平王東徙始則晉鄭夾輔終乃齊晉主盟猶有請隨之潛中肩之師東漢再興巨寇皆殄魏晉以降理少亂多今咸秦陵廟在焉勝兵計數十萬海內財力雲奔風趨儻議遷都得非蹙國斯乃示

弱天下何以統臨四方洛陽地瘠無弊尤甚又無百二之
固慮啟姦兇之心豈得捨安而就危棄大而從小也漢高
初平項羽將宅洛師婁敬請居關中張良贊成其計田肯
稱賀方策備存武德中突厥犯河曲數十萬騎將過原州
西辟卿士震恐皆請遷都山南太宗獻計固爭方止永安
宗庶實賴聖謨議者又曰洛陽四戰之地既將不可蒲坂
虜奔舊國表裏山河江陵亦嘗設都控壓吳蜀道遠避霍
寧不堪居答曰蒲坂土瘠人貧困竭甚於洛邑江陵本非
要害梁主數歲國亡夫臨制萬國尤惜大勢秦川是天下
之上腴關中爲海內之雄地居之則勢大而威遠捨之則
勢小而威近恐人心因斯而搖矣誠繫興衰何可輕議

六典通考卷一百八十九

湖西閭鎮珩輯

都邑考

歷代都城

唐上都初曰京城天寶元年曰西京至德二載曰中京上元二年復曰西京肅宗元年曰上都皇城長千九百一十五步千四百口十步廣九百六十步周四千八百六十步其崇三丈育半龍朔後皇帝常居大明宮乃謂之西內神龍元年曰太極宮太明宮在禁苑東南西接宮城之東北隅長千八百步廣千八百步曰東內本永安宮貞觀入年置九年曰大明宮以備太上皇清暑百官獻賢以助役高宗以風痺厭西內欲遷龍朔二年始大興葺曰蓬萊宮咸亨元年曰含元宮長安元年復曰大明宮興慶宮在皇城東南距京城之東開元初置至十四年又增廣之謂之南內二十年築夾城入芙蓉園京師前直子午谷後枕龍首山左臨灊岸右抵灋水其長六千六百六十五步廣五千五百七十五步周二萬四千一

百二十步其京城左河華右隴坻前終南後九畹南面三門

崇丈有八尺中曰明德左曰啟夏右曰安化東面三門中曰春明北曰通

化南曰延興西面三門中曰金光北曰開遠南曰延平皇城

在京城之中東西五里一百一十五步南北南面三門中曰

朱雀左曰安上右曰含光朱雀門正南當明德門正北當承

直金東面二門北曰延喜南曰景風延喜門正東直春明門正西

光門東面二門北曰延喜南曰景風延喜門正東直春明門正西

面二門北曰安福南曰順義安福門西直開遠門其中左宗廟在安上

東右社稷在含光門內之西百僚解署列乎其間凡省六寺九監一

監四衛十有八六省謂尚書中書門下祕書殿中內侍省九

僕大理寺一臺謂御史臺四監謂少府將作國子都水監十

入衛謂左右衛左右金吾衛左右驍衛左右武衛左右威衛

左右領軍衛左右監門衛左右千牛衛左右羽林軍衛今按

中書門下凡有三所並在宮城之內國子監在皇城之南左

右金吾衛在皇城之東西左東宮官屬凡府一坊三寺三率

府十一府謂詹事府三坊謂左右春坊內坊三寺謂家令率

府十更僕寺十率府謂左右衛率府左右清道率府左右司

府左右監門率府宮城在皇城之北南面三門中曰承天東

曰長樂西曰永安承天門隋開皇二年作初曰廣陽門仁壽

神龍元年改曰承天門若元正冬至大陳設燕會赦過宥罪除舊布新

受萬國之朝貢四夷之賓客則御承天門以聽政蓋古之其

北曰太極門其內曰太極殿朔望則坐而視朝焉蓋古之中

大興門大興殿煬帝改曰虔福門貞觀八年改曰太極門武

德元年改曰太極殿有東上西上二閣門東西廊左延明二

門次北曰朱明門左曰虔化門右曰肅章門肅章之西曰暉

政門虔化之東曰武德西門其內有武德又北曰兩儀門其

內曰兩儀殿常日聽朝而視事焉蓋古之內朝也隋曰中華

殿貞觀五年改曰兩儀殿

六典通考卷一百八十九

承天門之東曰長樂門北入恭禮門又北入虔化門則宮內也承天門之西曰廣運門永安門北入安仁門又北入肅章門則宮內也兩儀殿之東曰萬春殿西曰千秋殿兩儀之左曰獻

春門又曰宜秋門宜秋之右曰百福門其內曰百福殿百福

之西曰承慶門內曰承慶殿獻春之左曰立政門其內曰立

政殿立政之東曰大吉門其內曰大吉殿兩儀之北曰甘露

門其內曰甘露殿左曰神龍門其內曰神龍殿右曰安仁門

其內曰安仁殿又有興仁宣猷崇道惠訓昭德安禮正禮宣

薰風執日翔鳳咸池臨昭望僊大明宮在禁苑之東南西接

宮城之東北隅龍朔二年高宗以此置宮南面五門正南曰丹鳳

門東曰望僊門次曰延政門西曰建福門次曰興安門南當皇城

之啟夏門舊京城入苑之北門開丹鳳門內正殿曰含元殿

皇三年開餘四門並與宮同置

殿卽龍首山之東趾也階上高於平地四十餘尺南去丹夾鳳門四百餘步東西廣五百餘步今元正冬至於此聽朝

殿兩閣左曰翔鸞閣右曰棲鳳閣與殿飛廊相接夾殿東有通乾門西有觀象門閣下

卽朝堂階石登聞鼓如承天之制其北曰宣政門門外東廊曰齊德門西廊

曰興禮門內曰宣政殿殿前東廊曰日華門門東門下省省

東南北街南直含耀門出昭訓門宣政殿前西廊曰月華門

門西中書省省西南北街南直昭慶門出光範門宣政之左

曰東上閣右曰西上閣次西曰延英門其內之左曰延英殿

右曰含象殿宣政北曰紫宸門其內曰紫宸殿卽內朝正殿也殿之

南面紫宸門左曰崇明門右曰光順門殿之東曰左銀臺門

西曰右銀臺門次北曰九僊門殿之北曰元武門左曰銀漢

門右曰青霄門其內又有麟德殿霜承歡長安僊居拾翠碧羽金鸞蓬萊含涼珠境三清含冰冰水香紫蘭

六典通考卷百八十九

三

等殿元武明儀大角等觀鬱儀結鄰承雲修文等閣也興慶宮在皇城之東南東距外

郭城東垣即元宗龍潛舊宅也開元初以爲離宮至十四年

城道經通化宮之西曰興慶門其內曰興慶殿即正衙殿有龍池殿

門磴道潛通焉次南曰金明門門內之北曰大同門其內曰大同殿宮之南

曰通陽門北入曰明光門其內曰龍堂通陽之西曰花萼樓

樓西即宣王第故取詩樓西曰明義門其內曰長慶殿宮之

人棠棣之義以名樓焉北曰曜龍門其內左曰芳苑門右曰麗苑門南走龍池曰瀛

洲門內曰南薰殿瀛洲之左曰僊雲門北曰新射殿又有同

初陽飛軒玉華等門飛僊交泰同光榮光等殿初上居此第

其里名協聖諱所居宅之東有舊井忽湧爲小池周袤纔數

尺常有雲氣或見黃龍出其中至景龍中潛復出水其沼浸

廣時即連合爲一未半歲而里中又悉移居遂鴻洞爲龍池

焉蓋符命之先也禁苑在大內宮城之北北臨渭水東拒澧川西盡

故都城

其周一百二十里

禽獸蔬果莫不毓焉若祠禴蒸嘗四時之

薦蠶夷戎狄九賓之享則蒐狩以爲儲供焉東都隋置武德

四年廢貞觀六年號洛陽宮顯慶二年曰東都光宅元年曰

神都神龍元年復曰東都天寶元年曰東京上元二年罷京

肅宗元年復爲東都

皇城長千八百一十七步廣千三百七十八步周四千九百三十步其崇三丈

七尺曲折以象南宮垣名曰太微城宮城在皇城北長千六百二十步廣八百有五十步周四千九百二十一步其崇四丈

八尺以象北辰落衛曰紫微城武后號太初宮上陽宮在禁苑之東東接皇城之西南隅上元中置高宗之季常居以象河

政都城前直伊闕後據邙山左瀍右澗洛水貫其中以象河漢東西五千六百一十步南北五千四百七十步西連苑北

自東城而東二千五百四十步周二萬五千五百步其崇丈有八尺武后號曰金城東都城左成皋右

函谷前伊闕後邙山南面三門中曰建春南曰永通北曰上

東北面二門東曰安喜西曰徽安

顯慶元年復置爲東都龍朔中詔司農少卿田仁注

大典通考卷百八十九

四

隨事修葺後又命司農少卿韋機更加營造永昌中遂改爲神都漸加營構宮室百司市里郭郭於是備矣東面十五里二百一十步南面十五里七十步西南連苑距上陽宮七里北面距徽安門七里郭郭南廣北狹凡二百三坊三市居其中焉開元十二年廢西市取厚西連禁苑苑西四門南曰迎戟門之西一坊地及西市入苑秋次曰遊義次曰籠煙北曰雲星皇城在都城之西北隅南面三門中曰端門左曰左掖門東面一門曰賓耀西面二門南曰麗景北曰宣耀東城在皇城之東東曰宣仁門南曰承福門皇城在東城之內百廨署如京城之制皇宮在皇城之北東西四里一百八十步南北二里八步南面三門中曰應天左曰興教右曰光政應天門端門若西京承天之門其內曰乾元門若西京之太極門東廊有左延福門西廊有右延福門興教之內曰會昌其北曰章善光政之內曰廣運其北曰明福乾元之左曰萬春右曰千秋其內曰

乾元殿

則明堂也證聖元年營造上圖下方入窗四闕高三百尺元正冬至有時而御焉

殿之左曰

春暉門右曰秋澄門北曰燭龍門明福之東曰武成門其內

曰武成殿明福之西曰崇賢門其內曰集賢殿武成之北曰

仁壽殿集賢之北曰僊居殿其東曰億歲殿又東曰同明殿

其內又有觀禮歸義收成光慶等門延祥延壽觀文六合等殿宜春儒居迎祥六合等院也

其西北出曰

洛城門其內曰德昌殿北曰儀鸞殿德昌南出曰延慶門又

南曰韶暉門西南曰洛城南門其內曰洛城殿又北曰飲羽

殿

洛城南門之西有麗景夾城自此潛通于上陽焉

上陽宮在皇城之西南

苑之東垂也南

臨洛水西拒穀水東面即皇城右掖門之南東面三門南門

上元中營造高宗晚年常居此宮以聽政焉

即正衙門

北曰星躔門提象門內曰觀風門南曰浴日樓

北曰七寶閣其內曰觀風殿

殿東面其內又有麗春臺耀掌亭九州亭

其西則有

西上陽宮

兩宮夾殿水虹橋以通往來

北曰化成院西南曰甘露殿殿東

曰雙曜亭又西曰麟趾殿東曰神和亭西曰洞元堂觀風之

西曰本枝院又西曰麗春殿東曰含蓮亭西曰芙蓉亭又西

曰宜男亭北曰芬芳門其內曰芬芳殿

又有露菊亭互春妃嬪攸冰井等院散

布其

賓之南面曰僊洛門又西曰通僊門

並在其內曰甘湯院中

院次北東上曰玉京門門內北曰金闕門南曰太初門玉京

之西曰客省院蔭殿翰林院又西曰壽昌門門北出曰元武

門門內之東曰飛龍厓禁苑在皇都之西北拒北邙西至孝

水南帶洛水支渠穀洛二水會於其間

東面十七里南面二十九里西面五十里

北面二十里周廻一百二十六里中有合璧冷泉高山龍鱗

翠微宿羽明德望春青城黃女陵波十有一宮芳樹金谷二

亭凝璧之池開元二十四年上以爲穀洛二水或泛溢疲費

人功遂敕河南尹李適之出內庫和順修二陂以禦之一曰

積翠二日月破三日上陽京都之制備焉北都天授元年置

神龍元年罷開元十一年復置天寶元年曰北京上元二年

罷肅宗元年復爲北都晉陽宮在都之西北宮城周二千五

晉潛邸在中長四千三百二十步崇四丈八尺都城左汾右

周萬五千一百五十三步其崇四丈汾東曰東城貞觀十一

年長丈李勣築兩城之閒有中城武后時築以合東城宮南

有大男城故宮城也宮城東有起義堂倉城東有受瑞壇唐

初高祖使子元吉畱守獲瑞石有

文曰李淵萬古築壇祠以少牢

梁太祖爲宣武節帥及受禪乃升汴州爲開封府建爲東都

詔曰興王之地受命之邦集大勳有異庶方沾慶澤所宜加

厚用壯鴻基且旌故里于是改唐東都爲西都廢京兆府爲

雍州制宮殿門及都門名額正殿爲崇元殿東殿爲元德殿

內殿爲金祥殿萬歲堂爲萬歲殿門如殿名帝自謂以金德

大典通考

王故名殿曰金祥以大內正門爲元化門皇牆南門爲建國門滴漏門爲啟運門下馬門爲升龍門元德殿前門爲崇明門正殿東門爲金烏門西門爲玉兔門正衙東門爲崇禮門東偏門爲銀臺門宴堂門爲德陽門天王門爲寶天門皇牆東門爲寬仁門浚儀門爲厚載門皇牆西門爲神獸門望京門爲金鳳門宋門爲觀化門尉氏門爲高明門鄭門爲開明門梁門爲乾象門酸棗門爲興和門封邱門爲含耀門曹門爲建陽門開平三年以乾文院爲文思院行從殿爲興安殿毬場爲興安毬場弓箭庫殿爲宣威殿

唐莊宗卽帝位以魏州爲東京太原爲西京鎮州爲北都旣滅梁復北都爲鎮州太原爲北都同光二年改洛京朝元殿

爲含元殿崇勳殿爲中興殿應順門爲永曜門太平門爲萬
春門通政門爲廣政門鳳鳴門爲韶和門萬春門爲中興門
解愠殿爲端明殿內園新殿爲長春殿其年八月勅三川奧
壤四海名區爲帝王光宅之都乃符瑞薦臻之地周朝始建
卜年遂啟於延洪漢室中興卽土是圖於遠大咸茲建極至
我本朝壯麗可觀浩穰爲最自僞梁僭逆諸夏憑陵尋干戈
而虛用蒸藜恣塗炭而毒流草木依憑免苑嘯聚梟巢遂令
輦轂之間鞠興蕪沒之歎朕自削平大憝纂嗣丕圖重興卜
雒之都永啟朝宗之會將資久遠須議葺修務令壯觀於九
重實在駢羅于萬戶又詔諸道節度觀察防禦團練刺史等
並令雒京修宅一區三年詳定院奏近升魏州爲東京簡諸

道州縣須先定兩府始可各定官品未審依故事京兆河南爲兩府太原興唐爲次府惟復以興王之地別有進止敕不唯府額各定于等差兼亦都名須正于升降將爲經久之制宜遵固本之文本朝故事雍州爲西京京兆府雒州爲東都河南府是謂京都兩府并州舊爲北都太原府在兩府之次近以中興大業以魏州爲東京興唐府權謂東京爲雒京竊以雒京歷代帝王之都四方朝貢所便爰自漢魏迄于隋唐方建都城是比宸極宜依舊以雒京爲東都魏州改爲鄴都興唐府與北京太原府並爲次府左諫議大夫崔愷言雒都頃當制葺之初荒涼至甚纔通行徑徧是荆榛近歲居人漸多里巷頗隘須增屋室且立街坊竊惟舊制宮苑之側不許

停穢惡之物今以菜園相接宗廟祠宇公府民家穢氣薰蒸甚非蠲潔請議條制中書奏京內南北城故河南尹張全義自僖宗朝營地修築兩城以立府衙解署今區宇平一理合毀廢其城濠初光啟末張全義爲賊所攻于南市築壘自保後更于市南築嘉善坊爲南城天復修都未及毀撤至是補闕楊途奏請廢之眾以爲宜奉敕伊維之都皇王所宅當亂離之日曾是荒涼及開泰之辰競爲修葺從來聞寂多已駢闐永安天邑之居宜廣神州之制宜令御史臺兩街使河南府專依次第擘畫奏聞是年修平頭門樓異名曰乾通之門天成元年中書門下奏請以洛京潛龍舊宅爲至德宮北京舊宅爲積慶宮從之又敕京都之內古無郡城本朝多事已

來諸侯握兵自保張全義土功斯設李罕之砦地猶存時已
擴清固宜除剗若特差夫役又恐擾人宜令河南府分出舊
四街巷其城壕許平填占射任葢屋宇四年勅汴州宮殿並
去鴟吻賜本道節度爲治所其衙署諸門園亭名額並廢
晉高祖代唐升汴州爲東京天福二年御史臺奏汴州在梁
世有京都之號及唐莊宗平定河南復廢爲宣武軍至明宗
行幸因緣修葺衙城門遂掛梁時宮殿門牌額識者竊非之
臣今觀衙城內齋閣牌額如明宗行幸之時無都號而有殿
名恐非善制竊惟秦漢以來鑾輿所至多立宮名近隋室於
揚州立江都宮太原立汾陽宮岐州立仁壽宮唐朝于太原
立晉陽宮同州立長春宮岐州立九成宮宮中殿閣皆題署

牌額以類皇居請准故事於汴州衙城門權挂官門牌額其餘齋閣並可取便爲名敕行關宜以太寧宮爲名改元德殿爲廣城殿門爲廣政門三年敕東京諸城門宜署名額南面尉氏門爲薰風門西面鄆門爲金義門梁門爲乾明門北面酸棗門爲元化門封邱門爲宣陽門東面曹門爲迎春門宋門爲仁和門其牌額宜令翰林院書敕其太寧宮門樓賜名曰顯德四年改明德殿爲滋德殿

周廣順元年敕以薰風等門爲京城門明德等門爲皇城門啟運等門爲宮城門昇龍等門爲宮門崇元等門爲殿門二年詔開封府修補京師羅城率畿內丁夫五萬五千版築旬日而罷顯德二年詔曰惟王建國實曰京師度地居民固有

前則東京華夷輻輳水陸會通時向隆平日增繁盛而都城因舊制度未恢諸衛軍營或多窄狹百司公署無處興修加以坊市之中邸店有限貧乏之戶供辦實多而又屋宇交連街衢湫隘入夏有暑濕之苦居常多煙火之憂將便公私須廣都邑宜令所司於京城四面別築羅城先立表識候將冬末春初農務閒時卽畧差近甸人夫漸次修築三年正月發畿內及滑曹鄭丁夫十餘萬築新羅城仍使曹州節度使韓通都部署夫役六月詔輦穀之下謂之浩穰萬國駿奔四方繁會此地比爲藩翰近建京都人物喧闐閭巷隘狹近者開廣都邑展引街坊雖然暫勞終獲大利朕自淮上廻及京都周覽康衢更思通濟千門萬戶靡存安逸之心盛暑隆冬倍

滅襄燠之苦五年賜京新城諸門名額在寅曰寅賓門在辰
曰延春門在巳曰朱明門在午曰景風門在未曰畏景門在
申曰迤秋門在戌曰肅政門在亥曰元德門在子曰長景門
在丑曰愛景門改大內東偏舊寶天門爲通苑門

南漢都廣州兩蜀都

成都吳南唐都金陵吳越都臨安劉
守光都幽州北漢都晉陽楚都潭州

鄭樵曰自昔帝王之郁未有建宸極於汴者雖晉之十六
國徧處中州亦未聞有据夷門者何哉蓋其地當四戰之
衝無設險之山則國失依馮無流惡之水則民多疾癘七
國之魏本都安邑爲秦侵蝕不得已東徙大梁秦人卒決
注河流以灌其城王假就虜一國爲魚焉自是曠千三百
年無有居者朱全忠藉宣武資力以篡唐因而居汴未爲

都也不及五六年梟獍殞命昏庸繼位或獻遷都之謀君臣皆謂夷門國家根本不可遽易遂爲京室唐兵之來梁室之禍甚於王假晉遵覆轍耶律長驅取少帝如拾芥視朱氏又酷烈焉

宋東京汴之開封也建隆三年廣皇城東北隅命有司畫洛

陽宮殿案圖修之雍熙三年欲廣宮城詔劉延翰等經度之

宮城周廻五里南三門中曰乾元初依梁晉舊名曰明德後屢改雍熙元年改今名

東曰左掖西曰右掖東西面門曰東華西華熙寧十年又改東華門北曰詔

門北一門曰拱辰熙寧十年改門內西橫門曰臨華乾元門內正南門曰大

慶東西橫門曰左右升龍左右北門內各二門曰左右長慶

熙寧間改左右長慶左右銀臺東華門內一門曰左承天祥

陽門曰左右嘉肅

符詳符元年天書降其西華門內一門曰右承天左承天門

內道北門曰宣祐正南門內正殿曰大慶東西門曰左右太

和初日口正衙殿曰文德初日文明熙熙元年改今兩掖門

曰西上閣東西門曰左右嘉福初日左大慶殿舊名北有紫

宸殿舊名視朝之前殿也西有垂拱殿舊名常日視朝之所

也次西有皇儀殿初名又次西有集英殿舊名宴殿也殿後

有講武殿舊名東有昇平樓舊名宮中宴觀之所也宮後有

崇政殿舊名講武閣事之所也殿後有景福殿西有殿北向曰

延和便坐殿也祥符七年建後苑東門泊北凡殿有門者皆

隨殿名宮中又有延慶舊名安福觀文舊名清景慶雲玉京

等殿壽寧堂舊名延春閣舊名福寧殿舊名東西有門曰左

右昭慶觀文殿西門曰延真其東真君殿曰積慶前建感真

閣又有龍圖閣下有資政崇和宣德述古四殿天章閣下有

羣玉藥珠二殿後有寶文閣即壽昌閣東西有嘉德延康二殿

前有景輝門後苑東門曰寧陽即宣和門苑內有崇聖殿太清樓

其西又有宜聖化成即主宸殿金華西涼清心等殿翔鸞儀鳳二

閣華景翠芳瑤津三亭建福宮有穆清殿延慶殿北有柔儀

殿初名崇徽殿北有欽明殿舊名太和延福宮北有廣聖宮天聖三年

建內有太清玉清沖和集福會祥五殿建流盃殿於後苑明道

元年八月修文德殿成是夜禁中火延熺崇德長春滋福會

慶延慶崇徽天和承明入殿命宰相呂夷簡為修葺大內使

因改諸殿名又有慈德殿楊太后所居觀稼殿在後苑延義閣在崇政殿內

邇英閣在崇政殿西南侍臣講讀之所與延義同隆儒殿邇英閣後小殿慈壽殿皇太后所居

慶壽宮保慈宮

熙寧二年建

玉華殿

在後苑

基春殿

熙寧七年建

睿思殿

承極殿崇慶隆祐二宮

元祐元年建

睿成宮

神宗所居

宣和殿

在睿思殿

後東側小殿曰凝芳西曰瓊芳前曰重熙後曰環碧徽宗製記刻石

聖瑞宮

皇太妃所居

顯謨閣

元符

五年建

玉虛殿

元符初建

玉華閣

大觀初建

親慈宮

政和元年建

延福宮其地百司供應之所始南向殿因宮名曰延福次曰

藥珠亭曰碧琅玕東門曰晨暉西門曰麗澤宮左諸殿有穆

清成平會寧睿謨凝和崑玉羣玉東閣有蕙馥報瓊蟠桃春

錦疊瓊芬芳麗玉寒香拂雲偃蓋翠葆鉛英雲錦蘭熏摘金

西閣有繁英雪香披芳鉛華瓊華文綺絳萼穠華綠綺瑤碧

清音秋香叢玉扶玉絳雲會寧之北疊石爲山上有殿曰翠

微旁二亭曰雲歸層巘凝和之次閣曰明春高踰百一十尺

閣側殿二曰玉英玉澗其背附城築土植杏曰杏岡覆茅爲亭修竹萬竿引流其下宮之右爲佐二閣曰宴春廣十有二丈舞臺四列山亭三峙鑿圓池爲海跨海爲二亭架石梁升山亭曰飛華橫四百丈有奇縱二百六十有七尺疏泉爲湖湖中作隄接亭隄中作梁通湖梁之上又爲茅亭鶴莊鹿砦孔翠諸柵初蔡京命童貫楊戩等分任宮役各爲制度東西配大內南北稍劣其東直景龍門西抵天波門宮東西二橫門皆視禁門法所謂晨暉麗澤者也而晨暉門出入最多跨城之外濠濠深者水三尺東景龍門橋西天波門橋疊石爲固引舟相通名曰景龍江江北有龍德宮元符三年以懿親宅潛邸爲之江夾岸皆奇花珍木殿宇對峙歲時展拓後盡

都城一隅焉保和殿玉清神霄宮上清寶籙宮萬歲山艮嶽

政和七年始作萬歲山周十餘里上有介亭分東西二嶺

直接南山山之東有萼綠華堂有書館入仙館紫石巖棲真

燈簾秀軒龍吟堂山之南則壽山兩峯並峙有雁池疎癭亭

北直絳霄樓山之西有藥寮有西莊有巢雲亭有白龍沂濯

龍岐蟠秀綵光跨雲亭羅漢巖又西有萬松嶺嶺畔有倚翠

樓上下設兩閣閣下有方沼沼中作兩洲東為蘆渚亭曰浮

陽西為梅清亭曰雪浪西流為鳳池東出為雁池中分二館

東曰流碧西曰環山有閣曰巢鳳堂曰三秀東池後有揮雪

亭由燈道上至介亭左有亭曰極目曰蕭森右有亭曰麗雲

山北引江流注山澗西行為漱瓊軒又為煉丹凝真觀園山

亭北岸有勝筠庵蹕雲臺蕭間館飛岑亭南山外為小山橫

互二里曰芙蓉城其北作大池曰曲江池中有堂曰蓬壺東

盡封邱門宣和四年徽宗自為艮嶽記六年改名壽嶽嶽之

正門曰陽華亦號陽華宮朱勛於太湖取石高廣數丈載以

大舟數月乃至賜號舊城周廻二十里一百五十五步東二

門北曰望春初名南曰麗景南面三門中曰朱雀東曰保康

西曰崇明西二門南曰宜秋北曰閭闔北三門中曰景龍東

曰安遠西曰天波新城周廻五十里百六十五步政和六年詔有司度

國之南展築京城南三門中曰南薰東曰宣化西曰安上東

移置官司軍營二門南曰朝陽北曰含輝西二門南曰順天北曰金輝北四

門中曰通天東曰長景次東曰永泰西曰安肅初號韓汴河

上水門南曰大通北曰宣澤舊南北水門皆曰大通汴河下南曰上善

北曰通津惠民河上曰普濟下曰廣利廣濟河上曰咸豐下

曰善利舊名咸通上曰永順後又于金輝門南置開遠門仁宗時

宋庠奏論封畿略曰周制王者都畿千里謂之寰內井田百

萬兵強地正以制諸侯漢都關中分京兆馮翊扶風爲三輔

又取河南河內河東弘農四郡合三輔之劇遣司隸校尉督

之包山河之固冠郡國之首置使持節不與部刺史爲等亦

王畿之意也魏晉而下始以司隸之治爲州南北分爭名實始替然江左建國常以宰相帶揚州刺史根本是賴唐有天下復都長安分州郡爲十道而關內一道全是王畿以華同岐三州爲上輔河南爲東都而京畿都畿並置觀察使強幹據樞統御庶邦國家因五代都汴地非京邑之舊州無輔畿之實自祖宗削平僭僞萬方會于京師雖城闕雄尊閭里繁衍而諸州蜜邇卽爲別路畿內十六縣纔置提點官二員居瑱位卑非所謂尊甸服重王官也望略依周漢舊章以三京所環之州盡爲畿內曹濮單陳蔡鄭滑等八州輔開封爲中畿以孟汝二州輔河南爲西畿以宿毫之州輔應天爲東畿併三畿之州升曰近輔通置畿內觀察使一人以統之踵漢

故事徙天下豪族內實三畿之州四面設關梁譏出入以嚴
王制應禁兵營府分據寰內如此則海內服而王室安矣西
京故唐東都宋爲西京山陵在焉宮城周廻九里三百步城
南三門中曰五鳳樓東曰興教西曰光政因隋唐舊名東一門曰
蒼龍西一門曰金虎北一門曰拱宸舊名元武五鳳樓內東西門
曰左右永泰門外道北有鸞和門右永泰門西有永福門興
教光政門內各三門曰左右安禮左右興善左右銀臺蒼龍
金虎門內第二隔門曰膺福千秋膺福門內道北門曰建禮
正殿曰太極舊名明堂殿前曰日月樓日華月華門又有三門曰
太極殿門後有殿曰天興次有殿曰武德西有門三重曰應
天乾元敷教內有文明殿旁有東上閣門西上閣門前有左

右延福門後又有殿曰垂拱殿北有通天門柱廊北有明福門門內有天福殿殿北有寢殿曰太清第二殿曰思政第三殿曰延春東又有廣壽殿視朝之所也北三殿曰明德曰天和曰崇徽天福殿西有金鸞殿對殿南廊有彰善門殿北六殿曰壽昌曰玉津曰長壽曰甘露曰乾陽曰善輿西有射宮殿千秋門內有含光殿拱宸門內西徧有保寧門內有講武殿北又有殿相對內園有長春殿淑景亭十字亭九江池砌三婆羅亭宮城東西有夾城各三里餘東二門南曰賓暉北曰啟明西二門南曰金曜北曰乾通宮室合九千九百九十餘區

夾城內及內城北皆左右禁軍所處

皇城周迴十八里二百五十八步南

面三門中曰端門東西曰左右掖門東一門曰宣仁西三門

南曰麗景與金曜相直中曰開化與乾通相直北曰應福內
皆諸司處之京城周五十二里九十六步南三門中曰定鼎
東曰長夏西曰厚載東三門中曰羅門南曰建春北曰上東
西一門曰關門北二門東曰安善西曰徽安景祐三年論建
都范仲淹曰洛
陽險固而汴爲四戰之地太平宜居汴
卽有事必居洛陽當漸廣儲蓄繕宮室南京大中祥符七年
建應天府爲南京宮城周二里三百一十六步門曰重熙頌
慶殿曰歸德元豐六年賜度僧牒
修外城門及西橋等京城周迴一十五里四十
步東二門南曰延和北曰昭仁西二門南曰順城北曰廻鑾
南一門曰崇禮北一門曰靜安中有隔城又有門二東曰承
慶西曰祥輝其東又有關城南北各一門北京宮城周三里
一百九十八步卽眞宗駐蹕行宮城南三門中曰順豫東曰

省風西曰展義東一門曰東安西一門曰西安順豫門內東
西各一門曰左右保成次北班端殿殿前門二東曰凝祥西
曰麗澤殿東南時巡殿門次北時巡殿次靖方殿次慶寧殿
時巡殿前東西門二東曰景清西曰景和京城周四十八里
二百六步門一十七慶厯中契丹聚兵幽薊聲言將入寇議
者請城洛陽丞相占夷簡謂契丹畏壯侮怯遠城洛陽亡以
示威景德之役非乘輿濟河則契丹未易服宜建都大名示
將親征以伐其謀或曰此虛聲爾不若修洛陽夷簡曰此子
囊城郢計也使契丹得渡河雖高城深池何可恃耶乃建北
京

章汝愚曰議者皆謂天下之形勢莫如雍其次莫如周至

梁則天下之衝而已非形勢之地也故漢唐定都皆在周
雍至朱氏始都梁本朝縱未能遠規長安盍亦近卜洛陽
而眷眷於開封之境非所以爲萬世計也臣竊以爲不然
何則長安左殽函右隴蜀襟屏終南太華之山縈帶涇渭
洪河之水地方數千里形勢便利下兵於諸侯如建瓴水
故其地利守開封地平四出諸道輻輳無名山大川之限
而汴蔡諸水參貫蹄踵交道軸輻街尾四通五達之交也
故其地利戰洛陽左瀍右澗表裏山河廣袤六百里四面
受敵以守不如雍以戰不如梁然雍得之可以爲重自古
號爲天下咽喉凡天下之形勢無過此三者也若夫蜀之
成都吳之建業皆竊據于一方而楚之彭城特盜賊之窟

耳易曰夫險不可升也地險山川丘陵也王公設險以守其國所謂險者豈必山川丘陵之謂哉在天而不可升在人而不可奪則爲險矣是故漢唐以地爲險而本朝以兵爲險嘗考漢之郡國縣道各置材官騎士有變則以符檄發之其在京師惟有南北兩軍唐分天下爲十道置兵六百三十四府在關中者惟二百六十一府其後置神策爲禁軍亦不過數萬人由是言之唐漢之兵皆在外故非四塞之圖不足以制海內之命所謂以地爲險者也本朝懲五季之弊舉天下重兵宿於京師號百餘萬而衣食皆仰縣官非若府兵之制寓之於農故非都四達五通之郊不足以養天下所謂以兵爲險者也而議者以梁不如周周

不如雍亦不達於時變矣夫大農之家建置阡陌積粟萬斛兼陂池山澤之饒則其居必卜於郊野大賈之室斂散金錢出納百貨以收倍稱之息則其居必卜於市區今梁據天下之衝歲漕東南六百萬斛以給軍食猶恐不瞻使襲漢唐之迹而都周雍之墟卽何異大賈而托大農之地也然則周雍之地者特漢唐之險耳于本朝何賴焉

建炎三年閏八月高宗自建康如臨安遂以府治爲行在所詔曰昔在光武之興雖定都於洛而車駕往返見於前史者非一用能奮揚威靈遞行天討上繼隆漢朕甚慕之朕荷祖宗之休克紹大統夙夜危懼不常厥居比者巡幸建康撫綏淮甸旣已申問邊圉獎率六軍是故復還臨安內脩政事繕

治甲兵以定基業非厭霜露之苦而圖宮室之安也時創立

行宮制度簡略垂拱大慶文德紫宸祥曦集英六殿隨事易

名實一殿重華慈福壽慈壽康四宮重壽寧福二殿隨時異

額實德壽一宮延和崇政復古選德四殿本射殿也慈寧殿

紹興九年以太欽先孝思殿十五年建在翠寒堂孝宗損齋

紹興末建貯經史東宮在麗政門內孝宗莊文景獻光宗皆

書為燕坐之所常居之講筵所資善堂在行宮門內天章龍圖寶文顯猷徽猷殿

文煥章華文寶謨九閣實天章一閣時江南安撫制置使葉

夢得上宮室議曰本朝因唐之舊參酌古制汴都南薰朱雀

門宜為古之雉門以大慶殿為外朝故歲旦大朝會則御之

而其門即應門也以文德殿為內朝故月朔合六參官入見

則御之而其門卽路門也謂之過殿其旁設東西閣門則倣唐制以紫宸垂拱爲閣也遇朔不過殿則喚仗入閣而御紫宸與望及五日百官一起居皆御之以垂拱爲燕朝則日御以聽政蓋仍唐舊內增修不得不然今陛下旣以建康爲別都則視周洛邑與汴京歲大朝會見百官御大慶月朔過殿御文德望與六參御紫宸日御垂拱此四殿有不可闕而忌前不坐垂拱與吏部引見選人軍頭司呈試武藝等本朝所增蓋又有崇政後殿講筵有通英殿亦不可廢此典禮所在固宜參備端門亦當增爲三門以正天子之禮則朝羣臣莅四夷賦政出令行禮正名上擬洛邑次不失祖宗之意若夫高下之度廣狹之數則先王不爲定制各視時而爲之耳夢

得又奏繳行宮圖并宮室劄子畧曰昔周文武既定都於豐謂之宗周至成王欲宅洛邑復營之謂之成周亦曰東都以爲四方道里遠近之中使朝覲貢賦取均焉及宣王遭犬戎之難會諸侯於東都選車馬備器械因還以居周遂中興則有三都而別都自周然也晉重耳敗楚城濮追齊小白正天下之義合諸侯於踐土周襄王巡狩臨之春秋書天王狩于河陽僖公朝于王所而左氏記重耳作王宮於衡雍則天子巡狩亦作宮焉別都之禮宜略與正都同而巡狩之宮止以朝見方岳宜從約今陛下巡幸東南臨安蓋巡狩之宮而以建康爲別都則車駕未卽還汴建康行宮受朝四方賦政出令視臨安有當增備者

遼上京太祖創業之地負山抱海天險爲固地沃宜耕植水草便畜牧金甌一箭二百年之基壯矣天顯元年平渤海歸乃展郭郭建宮室名以天贊起三大殿曰開皇安德五鑿太宗改皇都爲上京城高二丈不設敵樓幅員二十七里門東曰迎春曰雁兒南曰順陽西曰金鳳曰西雁兒曰南福其北謂之皇城高三丈有樓櫓門東曰安東南曰大順西曰乾德北曰拱辰中有大內內南門曰承天有樓閣東門曰東華西曰西華爲通內出入之所正南街東畱守司衙次鹽鐵司次南門龍寺街南曰臨潢府南城謂之漢城南當橫街各有樓對峙下列井肆東門之北路縣又東南興仁縣南門之東回鶻營回鶻商販畱居上京置營居之西南同文驛諸國信使

居之驛西南臨潢驛以待夏國使驛

周廣順中胡嬌記曰上京西樓有邑屋市肆交

易無錢而用布有綾錦諸工作宦者翰林伎術東京遼陽府

本朝鮮地神冊四年葺遼陽故城天顯三年遷東丹國民居

之升爲南京城名天福高三丈有樓櫓幅員三十里八門東

曰迎陽東南曰韶陽南曰龍原西南曰顯德西曰大順西北

曰大遼北曰懷遠東北曰安遠宮城在東北隅高三丈具敵

樓南爲三門壯以樓觀四隅有角樓相去各二里宮牆北有

讓國皇帝御容殿大內建二殿不置宮嬪唯以內省使剋判

官守之外城謂之漢城分南北市中爲看樓晨集南市夕集

北市街西有畱守衙戶部司軍巡院歸化營軍千餘人河朔

亡命皆籍于此天顯十三年改南京爲東京中京大定府虞

爲營州夏屬冀州周在幽州之分秦爲遼西郡漢爲新安平縣聖宗常過七金山土河之濱南望雲氣有郭郭樓閣之狀因議建都擇良工於燕薊董役二歲郭郭宮掖樓閣府庫市肆廊府撫神都之制統和二十五年築城實以漢戶號曰東京皇城中有祖廟景宗承天皇后御容殿城池秋濕多鑿井泄之大同驛以待宋使朝天館待新羅使來賓館待夏使有七金山焉南京析津府古冀州地高陽氏曰幽陵陶唐曰幽都有虞析爲幽州商併幽于冀周分并爲幽石晉割幽州等十六州入于遼太宗升爲南京又曰燕京城方三十六里崇三丈衡廣一丈五尺敵樓戰櫓具八門東曰安東迎春南曰開陽丹鳳西曰顯西清晉北曰通天拱辰大內在西南隅皇

城內有景宗聖宗御容殿二東曰宣和南曰大內內門曰宣
教改元和外三門曰南端左掖右掖左掖改萬春右掖改千
秋門有樓閣毬場在其南東爲永平館皇城西門曰顯西設
而不開北曰子北西城巔有涼殿東北隅有燕角樓其外有
居庸松亭榆林關右北口西京大同府陶唐冀州之域處分
并州夏復屬冀州周曰并州戰國屬趙後唐同光三年因唐
之舊以雲州爲大同軍節度使晉高祖代唐割山前代北地
賂契丹大同與焉因建西京敵樓棚櫓具廣袤二十里門東
曰迎春南曰朝陽西曰定西北曰拱極元魏宮垣占城之北
面雙闕尙在遼旣建都用爲重地非親王不得主之清寧八
年建華嚴寺奉安諸帝像畱守司衙南曰西省北門東曰大

同府曰大同驛重熙十三年升爲西京府曰大同

金上京路卽海古之地國言金曰按出虎以按出虎水源於此故名金源國號取諸此初稱爲內地天眷元年號上京貞祐二年遷都于燕削上京號止稱會寧府稱爲國中者以違制論大定十三年復爲上京其山有長白青嶺馬紀嶺完都魯水有按出虎水混同江來流河宋瓦江鴨江天會三年建乾元殿後更名皇極十三年建慶元宮殿曰辰居門曰景暉奉太祖以下御容爲原廟其朝殿曰敷德門曰延光寢殿曰宵衣書殿曰稽古又有明德宮明德殿太后所居也涼殿皇統二年構門曰延福樓曰五雲殿曰重明東府南門曰東華次曰廣仁西府南殿曰西清次曰明義重明後東殿曰龍壽

西殿曰奎文時令殿及其門曰奉元有泰和殿武德殿薰風殿其行宮有天開殿爰刺春水之地也有混同江行宮皇統三年建太廟社稷天眷元年以春亭名天元殿安太祖太宗徽宗及諸后御容春亭者太祖嘗御之所也天眷二年作元廟皇統七年改原廟乾文殿曰世德興聖宮德宗所居也興德宮後改名永祚睿宗所居也光興宮世宗所居也正隆二年命吏部郎中蕭彥良盡毀宮殿宗廟諸大族邸第及儲慶寺夷其趾耕墾之大定二十一年復修宮殿建城隍廟二十三年以曷東其城有皇武殿擊毬校射之所也中都路本遼南京亦號燕京貞元元年定都以燕乃列國之名不當爲京師號遂改爲中都天德三年始圖上燕城宮室制度三月命

張浩等增廣燕城城門十三東曰施仁宣曜陽春南曰景風
豐宜端禮西曰麗澤顯華彰義北曰會城通玄崇智先泰浩
等取真定府潭園材木營建宮室及涼位十六應天門十一
楹左右有樓門內有左右翔龍門及日華月華門前殿曰泰
安左右掖門內殿東廊曰敷德門大安殿之東北爲東宮正
北列三門中曰極英爲壽康宮母后所居也西曰會通門門
北曰承明門又北曰昭慶門東曰集禧門尙書省在其外其
東西門左右嘉會門也門有二樓大安殿後門之後也其北
曰宣明門則常朝後殿門也北曰仁政門傍爲朶殿朶殿上
爲兩高樓曰東西上閣門內有仁政殿常朝之所也宮城之
前廊東西各二百餘間分爲三節節爲一門將至宮城東西

轉各有廊百許間馳道兩傍植柳廊春覆碧瓦宮闕殿門則

純用碧瓦應天門舊名通天門大定七年改福壽殿曰壽安

宮明昌五年復以隆慶宮爲東宮慈訓殿爲承華殿承華殿

者皇太子所居之東宮也泰和殿更名慶寧殿又有崇慶殿

魚藻池瑤池殿位有神龍殿又有觀會亭安仁殿隆德殿臨

芳殿元和殿又有常武殿廣武殿爲擊毬習射之所京城北

離宮有大離宮更爲寧壽又爲壽安又爲萬寧宮瓊林苑有

橫翠殿寧德宮西園有瑤光臺瓊華島瑤光樓初皇統元年

有宣和門正隆三年有宣華門又有撒合門

海陵紀有司園上燕城宮室制

度營建陰陽五姓所宜海陵曰國家吉凶在德不在地

南京

使桀紂居之雖卜善地何益使堯舜居之何用卜焉
路初曰汴京貞元元年更號南京貞祐二年自燕徙都都城

門十四曰開陽宣仁安利平化通遠宜照利川崇德迎秋廣
澤順義迎朔順常廣智宮城門南外門曰南薰南薰北新城
門曰豐宜橋曰龍津橋北門曰丹鳳其門三丹鳳北曰丹橋
橋少北曰文武樓遵御路而北橫街也東太廟西郊社東北
曰承天門其門五雙闕前引東曰登聞檢院西曰登聞鼓院
檢院東曰左掖門門南曰待漏院鼓院西曰右掖門門南曰
都堂直承天門北曰大慶門門東曰日精門又東曰左昇平
門大慶門西曰月華門又西曰右昇平門正殿曰大慶殿前
有龍墀又南有丹墀東廡曰嘉福樓西廡曰嘉瑞樓大慶後
曰德儀殿殿東曰左昇龍門西曰右昇龍門正門曰隆德內
有隆德殿有蕭牆有丹墀隆德殿左曰東上閣門右曰西上

閣門皆南向鼓樓在東鐘樓在西隆德之次曰仁安門仁安殿東則內侍局又東曰近侍局又東嚴祗門宮中曰撒合門少南曰東樓則授除樓也西曰西樓仁安之次曰純和殿正寢也純和西曰雪香亭亭北后妃位也有樓樓西曰瓊香亭亭西曰涼位有樓樓北少西曰玉清殿純和之次曰福寧殿殿後曰苑門內曰仁智殿有二太湖石左曰敷錫神運萬歲峯右曰玉京獨秀太平巖殿曰山莊其西南曰翠微閣苑門東曰僊韶院院北曰翠峯峯之洞曰大滌湧翠東連長生殿又東湧金殿又東蓬萊殿長生西曰浮玉殿又西瀛洲殿長生殿南曰閱武殿又南內藏庫嚴祗門東曰尙食局又東宣徽院院北御藥院又北右藏庫東則左藏庫宣徽院東曰點

檢司司北曰秘書監又北學士院又北諫院又北武器署點
檢司南曰儀鸞局又南尙輦局宣徽院南曰拱衛司又南尙
衣局其南爲繁禧門又南安泰門門與左昇龍門相直東壽
聖宮兩宮太后位也水明俊殿試進士之所宮北曰徽音院
又北燕壽殿殿垣後少西曰振肅衛司東曰中衛尉司儀鸞
局東曰小東華門更漏在焉中衛尉司東曰祗肅門少東南
曰將軍司徽音壽聖東曰太后苑苑殿曰慶春與燕壽殿並
小東華與正東華門對東華門內正北尙廐局其西北臨武
殿左掖門北尙食局南曰宮苑司其西北尙醢局湯藥局侍
儀司少西曰符寶局器物局又西撒合門也嘉瑞樓西曰三
廟正殿曰德昌東曰文昭西曰光興德昌後宣宗廟也宮西

門曰西華與東華相直北門曰安貞

卷一百一十一

元大都路唐幽州范陽郡遼改燕京金遷都爲大興府元太

祖十年克燕初爲燕京路總管大興府至元元年中書省言

開平府闕庭所在加號上都燕京分立省部乞正名遂改中

都四年始於中都東北置今城而遷都焉京城右擁太行左

挹滄海北居庸冀朔方城方六十里十一門正南曰麗正其

右曰順承左曰文明北之東曰安貞北之西曰健德正東曰

崇仁其右曰齊化左曰光熙正西曰和義其右肅清左曰平

則海子在皇城北萬壽山之陰舊名積水潭聚西北諸泉之

水流入都城而匯於此汪洋如海因名焉九年改大都

輟耕錄至

元四年城京師以爲天下本時萬歲山後太液池派玉上都

六典通考

路唐爲奚契丹地金平契丹置桓州元初爲扎拉爾部烏喀郡王營幕地憲宗五年命世祖居其地爲巨鎮明年世祖命劉秉忠相宅於桓州東灤水北之龍岡中統元年爲開平府五年以闕庭所在加號上都歲一幸焉

明太祖取元集慶路改曰應天府

定遠人馮國用對太祖曰金陵龍蟠虎踞眞帝王之

都顯先拔金陵而定鼎然後命將四出掃除羣寇倡仁義以收人心天下不難定也

洪武元年八月建

都曰南京二年始建新城六年八月成內爲宮城亦曰紫禁城門六正南曰午門左曰左掖右曰右掖東曰東安西曰西安北曰北安宮城之外門六正南曰洪武東曰長安左西曰長安右東之北曰東華西之北曰西華北曰玄武皇城之外曰京城周九十六里門十三南曰正陽南之西曰通濟又曰

聚寶西南曰三山曰石城北曰太平北之西曰神策曰金川
曰鐘阜東曰朝陽西曰清涼西之北曰定淮曰儀鳳後塞鍾
阜儀鳳二門存十一門外城二十三年四月建周一百八十
里門十有六東曰姚坊仙鶴麒麟滄波高橋雙橋南曰上方
夾岡鳳臺大馴象大安德小安德西曰江東北曰佛寧上元
觀音十一年改南京爲京師

蘇伯衡曰初國家建朝廷郊廟社稷于南京徵郡國爲陰
陽學者各以其術來議至者數百人館于上賓館館之副
使劉迪簡江右人通地理之術一日迪簡問諸陰陽師曰
古人爲宮室城郭及治地而葬惟卜用龜而已陰陽家出
始不受命于鬼神而用其精鑒絕識可謂難能已地氣之

聚者形必勝形之勝者得必吉吾于大河江漢之南北境未嘗盡至北條南條之山川未嘗盡窺故于周秦兩漢魏晉唐宋之餘墟未暇論姑言金陵秦始皇埋金以鎮之諸葛亮以爲帝王之宅其氣聚形勝有吉而無凶不待言也而其江山吾與諸公共睹焉前此國其間者東晉宋齊梁陳南唐其國所建之地相去甚近而其歷年或久或近何也曰此非有得失生氣然哉曰得者久失者近信耶何爲久者亦僅僅百餘年而已邪曰昔之冠蓋之聚今之桑麻之場也舂鍾之相等塹湮於旦莫非復當時之舊也雖欲考之得乎曰其地脉自東南遡長江而西數百里乃止其止也蜿蜒磅礴旣翕復張中脊而下降爲平行所謂土中

於是乎在西爲雞籠覆舟諸山又西爲石頭城而鍾山峙其東大江迴抱秦淮玄武湖左右映帶兩淮諸山合沓內向若委玉帛而朝斯固無改當時之舊觀也氣之聚形之勝無難知之則夫六代所以修短興亡之故豈有不足考者乎且天氣鍾爲吉壤猶氣鍾爲鉅賢鉅賢之身旣亡清明之氣斯散未有傷其一手一足而氣之行乎一身者俱斷喪者也今因一岡一壠之變置而謂一都會舉然豈理也哉曰天運有時而推移風氣有時而聚散地之或吉或凶亦與之俱矣是以雄都大邑名城巨鎮倏焉過之而爲坵墟壠畝坵墟壠畝倏焉過之又爲名城巨鎮雄都大邑也曰地之形有方體故其美惡肥磽有甚於形勢今於其

可指見而言傳者猶不能按以明前代修短興亡之故則其藏乎地中者果何以盡得之乎時余在坐上遽曰人有一畝之宮欲使人居守猶必慎擇其人之克負荷者乃舉而授之矧金陵之墟王者之都天造而地設不有聖人肯輕畀之乎彼晉宋齊梁陳南唐之君乘時亂而竊據之固不足當王氣之盛又安能乘生氣之聚余固知天地闕藏其風氣完厚於數千年之久以待今天子之興而作都也前此國於斯者殫其智力弗克混合而今鴻業告成朔南爲一幅員之廣振古所無則天意豈不昭然乎是不待望氣者而知王氣之鬱懋不必陰陽家而知生氣之充周也於是諸陰陽師羣然和余而迪簡遂不復云

順天府

元大都路直隸中書省

洪武元年改爲北平府屬山東二年改

屬北平三年四月建燕王府永樂元年禮部尙書李至綱等言自古帝王或起布衣平定天下或由外藩入承大統其於肇跡之地皆有升崇竊見北平布政司實皇上興王之地宜遵高皇帝中都之制立爲京師制曰可四年閏七月建北京宮殿修城垣十九年告成宮城周六里一十六步亦曰紫禁城門八正南第一曰承天第二曰端門第三曰午門東曰東華西曰西華北曰玄武宮城外爲皇城周一十八里有奇門六三南門大明東曰東安西曰西安北曰北安大明門東轉曰長安左西轉曰長安右皇城之外曰京城周四十五里門九正南曰麗正正統初改曰正陽南之左曰文明後曰崇文

南之右曰順城後曰宣則東之南曰齊化後曰朝陽東之北
曰東直西之南曰平則後曰阜城西之北曰彰儀後曰西直
北之東曰安定北之西曰德勝嘉靖二十三年築重城包京
城之南轉抱東西角樓長二十八里門七正南曰永定南之
左爲左安南之右爲右安東曰廣渠東之北曰東便西曰廣
寧西之北曰西便

大學衍義補太行自西來演迤而北東極於醫無閭重岡
疊阜擁護而圍繞之其東則汪洋大海稍北乃古碣石稍
南則九河故道浴日月而浸乾坤所以界之者如此直截
而廣大也況居直北之地應天垣之紫微自古建都之
地上得天時下得地勢中得人心未有過此者 吾學病

京師負重山面平陸地饒魚鹽穀馬果麻之利轉漕東南財貨駢集天險地利汴洛關中江右皆不及也

論曰宋章汝愚氏謂古今可都之地三關也洛也汴也愚則謂山河之壯天府之雄莫如燕秦爲最而洛陽稍次之至于汴梁乃天下之戰場四通五達無所限隔其不足恃以爲固明矣昔虞夏之興皆在冀都周始起于豐鎬秦起于雍漢起于蜀唐自太原而入長安若隋若後周莫非得關中以臨制海內者也其享國久者或幾數百年暫亦不減數十年雖以秦隋之暴猶延及二世而亡豈非形勝之便使然與契丹始都于幽金元因之明又因之至于我朝中外一統幅員之廣振古無比

燕都之盛于是極焉東漢光武曰布衣受命首事河北其地去三輔頗遠既卽位于洛陽不得不遂因而都之厥後強臣跋扈奸盜蜂起乘輿西幸國遂以亡若至晉之武帝席魏室之舊後魏之孝文乘中原之衰東周之平王避犬戎之難三者視漢唐盛世之氣象固已遠不侔矣而唐之昭宗晉之懷愍後唐之莊宗及身不保廟社爲墟此都洛之前事然也魏虜于秦梁滅于晉石氏困于契丹徽欽辱于女真方以帝王之尊北面仇敵蒙塵萬里比于厖庶而不可得此又都汴之前事然也夫聚散者氣也盛衰者時也生氣方盛則力兼萬國而有餘厄運將至則坐守一隅而不足卽以今日之燕論之

外夷挾其舟車之利分屯要隘四面環集渤海失其險
太行失其阻是亦等晚周之豐鎬漢末唐季之關隴不
得謂其可長保無虞者也

117

118